

# *BAHEBERU,*

## *KHAOLO EA BOSUPA* <sup>2</sup>

 U hlohonolofatsoe! Kea nahana, pele, mona re tšoere leseanyana, Doc o mpoleletse metsotso e 'maloa e fetileng, moena oa ka, moena ka nama, ea neng a batlile... a tletse hlohonolofatso. Ha bommè ba tšoere bathoana bao ba batlang ho ba hlonolofaletsa ho Morena, re tla thabela ho ba fumana hona joale. Ba ka tla, ba tlisa bathoana bao.

<sup>239</sup> Joale, batho ba bangata, bona, ba e bitsa, kolobetso ea bona. Kereke ea Methodise e etsa joalo, kea kholoa le Nazarene. Ha kea na bonneta. Che. Ke kholoa e le sona se ba arohantseng, e ne e le kolobetso ea masea, Nazarene le Free Methodise. Empa, leha ho le joalo, ba bang ba bona, ba etsa ho ntho ena le eane. Empa, ba bang ba ba tšela ka metsana. Ba bang ba bafafatsa. 'Me, empa kamehla rōna re leka ho tsepama holima Bibebe ka moo re tsebang. Joale, ha ho Lengolo le laelang lesea hofafatsoa ka hara Bibebe, hape ha ho Lengolo le laelang motho ofe hofafatsoa ka hara Bibebe. Ha e lumelane le Lengolo. Ke tsamaiso ea kereke ea Katolike.

<sup>240</sup> Empa bao—empa ba etsa hoo, ho tlisitse... Ba kile ba tlisa masea ho Jesu. 'Me—'me re tlameha ho Mo ema sebaka. Re batla ho etsa seo A kileng a se etsa. O ile a beha matsoho a Hae holima bona le—le ho ba hlohonolofatsoa, le ho re, "Lesang bana ba tle ho 'na, le se ke la ba thibela, hobane 'Muso oa Leholimo ke oa ba joaloka bona." 'Me ha re phetse ho etsa hoo mona tabernakeleng, re leka ho phethisa Bibebe ea makhonthe, tsela e ikhethang, ka bokhoni ba tsebo ea rōna.

<sup>241</sup> Ka hona joale, haeba 'mè eo, kapa bommè bafe ba nkile lesea le tlil'o hlohonolofatsoa, ha Khaitseli Gertie a letsa *Ba Tliseng*, khele, le ka ba nyollela aletareng. 'Na le moena re tla theoha re hlohonolofaletsa bana ba banyenyane ho Morena. Ho lokile.

Moena Neville. [Moena Branham le Moena Neville ba hlohonolofatsoa masea. Sekheo lebanteng—Mong.]

<sup>242</sup> Kea u leboha, Khaitseli Gertie. Ke hantle haholo. Ba bakae ba ratang bana ba banyenyane? Ha u se joalo, phoso e teng ho uena, phoso e teng.

<sup>243</sup> Joale, bosiung bona, ho kena litšebeletsong tsohle. Rōna... lebaka la ho boela ke theoha bosiung bona. Ka tloaelo matsatsing ao re tšoarang litšebeletso tsena tsa pholiso, ke fumana letsatsi le le leng feela, kaha e hlile e ntsukutla. Ha le tsebe letho. Ebile mona lapeng e mpefala habeli ho feta 'nqa efe.

<sup>244</sup> Ke kopa tšoarelo ka ho fanya hakana hoseng hona. Empa ntho ea pele e mpherekantseng, keha Billy a mpolella a sa khona ho abela batho litlankana tsa thapelo. O khonne ho abela ba leshome le metso e mebeli kapa ba leshome le metso e mene. 'Me keha a ena le... Ho se motho ea batlang litlankana tsa thapelo. Ke ile ka hopola sohle se itoketse. Ka baka leo, ka hoo, ke sa ka ka nahana... Eitse ha ke qala ke bitsa litlankana tsa thapelo, ka hopola ke tla fumana tsohle tse leshome kapa tse leshome le metso e mebeli, kapa sohle se neng se le ka mona. Ka li bitsa. Eaba ke fumana palo e itseng, ntho e itseng, ea se ke ea bitsa. Ka boela ka bitsa. Ea hana ho arabela. Ke sa ka ka e nahana hofihlela Mof. Woods a mpitsa. A re, "Moena Branham, Billy o tloaetse ho nka litlankana tseo a li fehle 'moho, a ntano li aba a li ntša. Mohlomong o tšoere palo eo ea tharo," (ana e ne e se eona?) "palo ea tharo ka hara pokotho ea hae."

<sup>245</sup> Ehlide, ka tloaelo o aba tsohle tse mashome a mahlano. Ha a li beha pela batho, o a li fehla o a li ferekanya. E le hore mang le mang... Ha ho thoe, "Mphe palo ea pele." Kapa, re ka tšoha re sa qale ka palo ea 'ngoe. Re ka qala ho mashome a mahlano, ha u ke u tseba, ebe rea khutla. Re ka qala ka robeli re ntsoo tsoela pele. Re ka qala ka mashome a mabeli re ntsoo tsoela pele. Ha re tsebe. O mpa a li fehla a li abela batho ka kopo ea bona. 'Me hoseng hona ke ne ke sa nahana, ekaba ke bitsitse tse 'ne kapa tse hlano ho feta, 'me li ne li sa tl'o ba teng ka mono, hoba mohlomong keha li se li le holimo koana ho bomashome a mabeli kapa ho bomashome a mararo nqa e 'ngoe, ua bona. 'Me, eaba, empa Morena o ne a e sebelitse, empa ha e na e—e khatello e lekaneng, e kang ea hole le lapeng. Mohlomong ha ke sa tla hlola ke e leka—ho e leka hape.

<sup>246</sup> Empa, ha se khale mona, ha ke kopa Morena hore haeba A ka re fa kopano e ntle, ke tšepisitse ho se hhole ke—ke Mo kopa seo, hoba ho bile thata haholo. 'Me e khahlano le Lengolo. Ua bona? 'Me ha u... Ke eona ntho e nthatafallang. Hobane, ka ho tseba hoo, ke a—a hholeha, le ho qaleng. Ua bona? Ke se ke hlotsoe, le ho qaleng.

<sup>247</sup> Leha ho le joalo, motho o letsitse e mong thapama ena. Mof. Woods o letsitsoe ke motho e mong. Ha thoe, hoo, "Ho bitsitsoe motho ka kerekeng hoseng hona, eēna e le monna ea kulang haholo, a hlile a kula, o bile a tla ho Kreste thapama ena, hamorao." E le—e le monna ea kulang haholo 'me o tlile ho Kreste.

<sup>248</sup> Ntho e 'ngoe, Mof. Woods o itse ke boleletse khaitseli ea hae, moholoane oa hae, etsoe ke ne ke etetse lapa tsatsi le leng ka ba ka ja tinare le eēna, kapa sophoro le eēna, tlase Kentucky. Molimo o Matlaohle o a tseba hore ha kea lemoha mosali eo. Ua bona? Ke hantle. Feela... Lipono li ikemetse. Ha

re ke re tseba ka moo li tla tsamaea kateng kapa se tlang ho hlaha. Ke taba ea Molimo, le se—se etsahalang. Empa ke ile ka tseba, ka ho ba emela, ho ema mono.

<sup>249</sup> 'Me tsatsi le leng mohla ngoanana enoa a ne e kene ka mona, a tlamehile ho fetisoa temohong ea moea, etsoe 'na, ha se eona . . . Ua bona, hola Molimo o e abetse lefatše lohle, ho ka be ho lokile; empa holane ho le joalo, e ka be e le khahlano le seo A mpoleletseng sona ka nqane ho seterata mona, u a bona, lilemo tse 'maloa tse fetileng. Re ne re batlile ho kholiseha ka eona hore e lokile, le ho lumella kereke, kaha e ne e le teng mona, ho e bona. Eaba ke letsetsa Mof. Snyder eo. Khaitseli Snyder. O teng mona nqa e 'ngoe. O batla a sa utloe hantle. Mofumahatsana eo o ile a buela tlase haholo, a re, "U jeoa ke ramatiki," kapa athritisi, ntho e kang eo.

<sup>250</sup> Etsoe, ke ne ke tsebile a robehile noka. Ka hona . . . Eaba Moea o Halalelang o e hotolla hosseng hona. Ua bona?

<sup>251</sup> Joale, seo e leng sona, ke neo e Khethhehileng, e itšebetsa bo-eona. Empa bothata ba eona mona motseng, ka botšepehi, ke—ke a rarahana, ka linako tsohle, hake rapella bakuli mona. Kapa—kapa . . . Kea tloha, ho ea bolella batho sena. Ke tloha, ke re, "Joale Morena o u phekotse. Jesu o u folisitse mohla A ne a u shoela, lilemo tse sekete le makholo a robong tse fetileng. U ne u folisoe hona moo. Joale, ho latela Molimo, ho latela Kreste, u ne u folisoe, lilemo tse sekete le makholo a robong tse fetileng. Pabo ea hao e ne e tlosoe. Hoo ho sebetsoa ke tumelo ea hao."

<sup>252</sup> Ebe motho eo o tloha a itsamaela a sa phekolo. Ebe motho eo o khutla, a re, "Moena Branham o itse ke folile." Ua bona? Ke u bolella seo Molimo a se buileng.

<sup>253</sup> Joale, ha e bolelloa motho ka kotloloho, ka kotloloho, "Ke HO RIALO MORENA," malebana le se tla hlaha. Hoo ho tla u pakela pholiso ea hao e kholisitsoe hona moo. Tumelo ea hao e e tiisitse hoo. Ua bona? Tšepiso e etselitsoe uena. Ha se lentsoe la ka. Ke Lentsoe la Molimo, le reng u se u folile. Ua bona? U mpa feela . . . Ka mokhoa o itseng, ha ke—ke khone ho e khokhothella, bathong ba Jeffersonville mona. Ha ke—ke khone ho e phethisa. Kea tseba. Ke tla leka ho e hhalosa ka bokhabane ba tsebo ea ka, feela e—feela ha e etsahale. Ke phetho. Ke re . . .

<sup>254</sup> Mona, nakoana e fetileng, ke ile ka ea hae, ho monna, monna eo a eshoa. 'Me eaba ba ntetsetsa, "Tloo, u mo rapelle. Ngaka e mo tlalehile a sa tlo phela ho fihlela hosasa."

<sup>255</sup> Ka kena. Mohlnkana a re ho 'na, "Mongh. Branham, ha ke batle ho shoa." Khele, ehlile mohlankana o ne a sa batle. A ena le lelapa la bana ba babeli mono.

<sup>256</sup> Be, ka theoha. Ka re, "Joale, sheba, ngaka ea hao ke mang?" A mpoella. Ka re, "Joale, mohlomong ngaka e u

tlalehile joalo, u tlil'o shoa, empa Molimo ha o eso re u tla shoa." Ka re, "Joale, ho latela Bibebe, u se u folisitsoe, hoba Jesu a shoetse pholiso ea hao."

257 A re, "U lumela ke tla fola na?"

258 Ka re, "Ke hlile ke e lumela ke ttitle."

259 Be, ha nka rapella monna, ke sa sebelise tumelo ea mofuta oo, ho lumela sebakeng sa hae; haeba ke tloha, "Oh, che, che, ha ngaka e u tlalehile u tla shoa, u tla shoa. Ke phetho joale." Joale, na hase mofuta oa motho oo ho rapella bakuli? Ha ke batle motho ea joalo ka tlung ea ka, ho nthapella. Ke batla motho, leha koana a sa e bone, kapa che, o tla nka tumelo ebe o ema sebakeng sa ka holima tsepiso. Ke hantle. Eaba ke re... eèna...

260 Re ile ra tloha ra rapela. Ka re, "Joale u klothale."

261 A re, "U hlile u re ke tla fola?"

262 Ka re, "Khele, ehlile. Lentsoe la Molimo le itse u tla fola. Ua bona, 'Ha u lumela, tsohle li ka etsoa.'"

263 A re, "Ho lokile, kea E lumela." Eaba ke tsoa ho ea bolella mohatsa'e, hoo.

264 "Monna eo o a shoa, ha ke re?"

265 "E, o joalo." 'Me tsatsi le latelang, eaba monna o shoele, kapa matsatsi a 'maloa ka mora moo.

266 Mosali enoa a qala a noa a itšoara joalo. E mong oa batikone, kea kholoa, oa kereke ena, a ea ho mosali a mo kopa ho tla le ho khutlela kerekeng. A re, "Nke ke ka lumela mang kapa mang. Moreri Branham o kene ka mona a rapella monna oa ka, a re o tla phela, eaba o shoa matsatsi a mabeli kapa a mararo hamorao." Ha thoe, "Nke ke ka e lumela." Joale le eèna o a shoa. Ho lokile.

267 Empa, koana, u a bona, hoo ho supa batho ba sa mamelise seo u se buang. Ua bona? Ruri. Hola nka rapella motho, ke—ke 'molella a tla phela. Ke lumela a tla phela. Empa, ho sa tsotellehe, leha koana lentsoe la ka e ka ba HO RIALO MORENA e tiileng, 'me u sa E lumele, u tla shoa, leha ho le joalo. Ruri. HO RIALO MORENA ke ena *mona*, 'me ba bangata ba E amohela 'me ba a shoa. Ba bangata ba ea liheleng, athe, ke HO RIALO MORENA, "Ha u a tlameha." Ho joalo na? [Phutheho e re, "Amen."—Mong.] Ehlile. Ua bona? Ke eona... Ntho eohle e itšetlehile ka tumelo ea hao.

268 Moena Collins, ha ke kholoe a le teng kahare bosius bona. Empa eare ke sa mo mametse hoseng hona, o ntšitse puo e khabane malebana le eona. Ua bona? Ua bona? E hlile bo. O itse, "Joale, eona tumelo ea hao holimo mona, u tla lokela ho e fumana ka ntle mane. Hobane, ke tumelo ea hao ka bomong, ha se ea bolumeli ba hao, empa ka ho Kreste. U tlameha ho fumana tumelo eo." Ke hantle haholo. Ruri.

<sup>269</sup> Pholiso ea Khalalelo e itšetlehile holima tumelo ea hao. Empa ho latela Lentsoe la Molimo, HO RIALO MORENA, motho mang le mang o folisitsoe mohla Jesu a na a shoa Kalvari, “Athe O hlabetsoe makhopo a rōna, re *folisitsoe* ka maqeba a Hae.” Ho joalo? Re *entsoe* joalo. Bibele e boletse, “O ne o folisoe.” Le se ke la nqosa, ke mpa ke le ‘moleli oa Lentsoe. Ea bolella Molimo hobane O buile phoso, ‘me Molimo o tla u bolella bofokoli ba hao. Ua bona? Ka baka leo, ke tumelo ea hao. Jesu o itse, “Ha u ka lumela. Ha u ka lumela.”

<sup>270</sup> Joale, ha u utloa Moea o Halalelang o thasisetsa tumelo ea hao o e tiiseletsa, ho thoe, “HO RIALO MORENA, ‘Hosane ka nako e *baliloeng*, u tla fumana ntho e *itseng*. Ho tla etsahala ntho e *itseng*. E tla hlaha mona ka tsela e *itseng*, ‘me u tla kopana le ntho e *itseng* mona. E tla ba pontšo ho uena.’” Joale, u e shebelle. Ke mosebetsi o phethiloeng, hantle hona joale.

<sup>271</sup> Empa ha e bua ka pholiso ea Khalalelo, ke tlameha ho thea pholiso ea Khalalelo holima motheo o tšoanang, ka mokhoa oo, o tšoanang le oa pholoso. E mong le e mong oa lona, ho sa tsottelehe seo u se entseng, u pholositsoe ho tloha mohla Jesu a ne a eshoa, hobane O shoetse ho tlosa libe tsa lefatše. Empa ha e u thusē letho pele u e amohela bo-uena u bile u fumana bophihlelo ba eona. Empa libe tsa hao, li se li tsoaretsoe. Ke hantle. O... “Bonang Konyana ea Molimo e tlosang libe tsa lefatše.” Ua bona? Ke moo he. Joale le hopole taba eo.

<sup>272</sup> Joale, kea tseba ka ho ruta, ka hara Mangolo, re phutheho e tsoakaneng. ‘Me hangata, Bukeng ena ea Baheberu, e batlang e le Buka e tebileng... Ke tla lokela ho e tlohelā nakoana joale. Ke tla leka ho qetella karolo ea ho qetela ea khaolo ea 7 bosiung bona.

<sup>273</sup> ‘Me joale lipotso li ngata kellong ea lona, ntle le pelaelo. Bongata ba lona le na le lipotso, le ‘na, ke na le tsona. Joale, khetlo le latelang, ha Morena a ratile, mohla ke kenang...

<sup>274</sup> Joale ke ea Michigan. ‘Me ebe, ho tsoa Michigan, ke ea Colorado. ‘Me ho tloha Colorado, ke ea Lebopong la Bophirima. Joale—joale, mohla re kenang, ha Morena a ratile... Joale, ha ke tsebe. Ha ke sa fihla Chicago, Sontaha, nka khutlela mona bosiu ba Sontaha sena se tlang.

<sup>275</sup> Joale liveke li batla li tšeletse re tlositse molisa oa rōna sefaleng, khabareng ena—ena—ena eohle, ea buka ena mona. Ua bona? Joale re... Ha ke rate ho etsa joalo. Moena Neville ke moena ea ratehang, ea mosa, ea lokileng. ‘Me ke tiile kereke ena e rata Moena Neville.

<sup>276</sup> Ebile hape, e re ke sa bua; motho e mong, nqa e ‘ngoe naheng, o molato oa ho ngola litlankana, ho tlosa Moena Neville sefaleng sena. U tla lokela ho e lokisa le ‘na. Uh-huh. Ke hantle. Uh-huh. E, ehlile. Joale, ke batla lona... Ho itsoe moti... taba e mabapi le lekhotla la batikone. Lekhotla la

batikone ha le amane le molisa eo ka letho. Che, monghali. Ke phutheho, eohle, e nang le matla. Ha se... Lekhotla la batikone ke lepolesa ka hara kereke ena feela, ho baballa taolo le lintho tse joalo. Empa ho latela litsamaiso, ke kereke eohle e nang le lentsoe. Kereke e hahiloe holima boholo ba kereke ea selehae. Ka baka leo, 'na ha ke amane ka letho le ho tlosa molisa enoa, kapa ho beha e mong. Ke ruile thepa; e neiloe kereke. Lona bohle le kereke. Ke lona batho ba laolang. Lona le kereke, ka bolona. 'Me Kereke, Kereke ea Molimo e halalelang e ruile bolaoli, ba Moea o Halalelang ka hara Kereke eo. 'Na ke mpa ke ruile thepa, ke e nehela kereke ena, e neiloe kereke, ha e huleloe lekhetho. 'Me kereke e khetha balisa ba eona. Ha ke amane le eona ka letho. Mokhoa feela oo molisa enoa a ka fallang, keha molisa a iketsetsa qeto ho tsamaea, kapa ha bongata ba livoutu tsa kereke li ka re, "Fetola molisa." Ke oona feela mokhoa. Ha ho lekhotla la batikone le ka etsang hoo. Lekhotla la batikone le mpa le boloka taolo le lintho ka hara kereke.

<sup>277</sup> Literaseti, ha li amane le eona ka letho, li mpa li lokisa kereke. 'Me li ke ke tsa e etsa pele ho tšoaroa e... Lekhotla lohle la literaseti lea kopana le re, "Re tla haha *sena*, kapa re tla etsa *sane*." Ebe moo li tlamehang ho kopa ramatlotlo haeba a ena le chelete ho etsa hoo. E, monghali.

<sup>278</sup> Empa mabapi le tseko e amang setho sefe, ha setho se ttleba khahlano le se seng, kapa phoso e le teng, u tlameha ho bonana le moena eo, ka bo-ueno; u buisana le eëna, uena le eëna feela. Ha ba sa e amohele, ntho e latelang ho etsoa, u nka motikone e mong kapa motho e mong, a ee le uena ho moena eo. Ha a sa e mamele, le ka e bolella kereke. Ha kereke... Ha a sa mamele kereke, Bibele e itse, "Ebe mohetene le mobarebare." Ke hantle.

<sup>279</sup> Mang le mang ea tsebang motho ea phoso, 'me u sa tlohe ho ea buisana le bona, u karolo ea kereke ea Molimo e tla arabela sebe seo. Ke hantle.

<sup>280</sup> Ha motho a—a tseka khahlano le motikone, kapa khahlano le motikone kapa motho ea ka kerekeng, e cosa batho ba bararo. Batho ba bararo ba tla tla ba re, e leng lipaki, ka molomo oa lipaki tse peli leha li le tharo. Li boelle molisa ka tseko e khahlano le motikone. Ha tseko e hlaha khahlano le motikone, motikone ha se e—ke monna feela, e—e monna ea phethahetseng. O tšoanelo ho baballa ofisi ea botikone, a se na molato, 'me a fumanoe e le motho ea se nang sekoli. Ha phutheho e fumana motikone a sa baballa ofisi eo, o nka batho bararo e isoa ho molisa. Motikone eo o kotjoa ho lula hae bosiu boo. Ebe moo molisa ho tsoa... a tlang a phutha phutheho 'moho, a hlahise ttlebo. Ha phutheho e voutela motikone ho tsoella, motikone o a tsoella. Ha phu-... e voutela motikone ho lokolloa, ba khetha motikone e mocha bosiu bona boo. Ua bona?

<sup>281</sup> Ka baka leo, ha se taba ea motho a le mong. Ke bongata ba batho. E, monghali. Ha a vouteloa ke mashome a mabeli, 'me mashome a mabeli a motso o mong a vounta khahlano le eëna, o a tsamaea; kapa, ka mokhoa oane. Ua bona? Taba eo, boo ke boholo ba kereke ea lehae 'me, hape, setho sefe le sefe se na le puo tabeng tsa kereke. Ha ho hlaha ntho, e phoso, ba ka tla hantle, 'me seo ba tšoanelang ho se etsa feela ke ho ipeha pela Molimo ba hlokomele ho se letho ruri le ka sitisang kereke ho tsamaea hantle.

<sup>282</sup> Empa boholo bo tletseng ba kereke ke molisa. Le ka e bala Bibeleng, ho bona haeba e se tsamaiso ea Bibele. Ke hantle haholo. Ha ho mang ea okametseng moholo. Ha ke amane ka letho le seo Moena Neville a se etsang mona. Ke taba ea lona le Moena Neville. Ha Moena Neville a batla ho ruta thuto ea Lipaki tsa Jehova, e lipakeng tsa hae le lona. Ua bona? Haeba a batla ho rera letho le a le batlang, e lipakeng tsa lona le eëna. Ke phetho. Ha phutheho e mo voutela ka mono, ho rera hoo, ho itoketse. Ke taba ea hae.

<sup>283</sup> Sa ka feela, thepa ena ke ea ka. Ha motho a fihla, mabapi le ho tlosa molisa, 'me ba batla ho e voutela, le ke ke la kopa motikone ho etsa hoo. Le tla botsa 'na. Ke tla theoha, ke re, "Ha u batla ho tlosa molisa, mpolelle lebaka. Na u entse letho?"

<sup>284</sup> "E. Re mo fumane, a tahiloe. Kapa, re mo fumane a etsa *sena*, kapa a etsa ho sa lokang."

<sup>285</sup> "Le na le lipaki tse tharo?"

<sup>286</sup> "E. Re na le tsona."

<sup>287</sup> Eka khona lipaki tseo li hlahljoje pele. "U se ke ua amohela qoso e khahlano le moholo haese ka lipaki tse peli leha li le tharo, 'me li lekoe pele; khahlano le moholo." U tla tlameha ho ikana, hore u e bone; 'me u ka e paka, u re u e bone.

<sup>288</sup> 'Me hape, ha ho le joalo, sebe seo se khalengoa pontseng, ho thoe, "Se phoso." Ho ntano thoe, "Phutheho, na le batla ho fetola molisa?"

<sup>289</sup> Ha phutheho e vounta, "Mo tšoareleng, le mo lumelle ho tsoela pele," e tla lula e le joalo. Ua bona? Hoo, na hase mokhoa o tšoaneleheng ho tsamaisa kereke? Bibele e boletse joalo. Ha re na libishopo le baokameli, le makhotla le ba joalo, ba hlomang *enoa* 'me ba ruile matla a matonana. Mona ha ho motho ea rui leng boholo haese Moea o Halalelang. Ke hantle. Ke eëna ea tlosang. 'Me re Mo nka e le bongata ba batho, moo batho ba sekametseng.

<sup>290</sup> 'Me ha lehlakore le leng le batla ho etsa *sena*, le lehlakore le leng le batla ho etsa *sane*, 'me lehlakore leo le hlola. Lehlakore le hloloang, le etsang ka eona? Le iteanya le ba bang bohole, ho thoe, "Re ne re fositse, ke hona. Re tla tsoelapele, hoba khetho eo ke ea Moea o Halalelang." Ua bona? Ke hantle haholo.

<sup>291</sup> Joaloka Mademokrate le Marephaboliki, ha feels re ema re le demokerasi, joaleka Maamerika. Ha Mademokrate a kene, Marephaboliki a tlameha itahlela ka setotsoana; ha ho kena Marephaboliki, Mademokrate a itahlela ka setotsoana. Ua bona? Ke sona se re etsang sechaba. Ha re roba hoo, re roba demokerasi ea rōna. Ke hantle. Ha Mademokrate a re, “Ha ke batle ho etsa letho; ho kene Marephaboliki.” Re tla oa. Ke Mokentucky: ‘moho rea tiea, ka karohano rea oa.

<sup>292</sup> Joale, ha u tseba taba e phoso ka hara kereke, motho ofe kapa mang kapa letho feels, u tlamehile etsoe u tla arabella pela Molimo ha u sa lokise taba eo; uena, kereke. Joale, hopola, ha e mahetleng a ka. E ho a lona. Ntho efe e phoso ka hara kereke, Molimo o tla o jarisa boikabelo ba eona. Ke hantle. O tsamaisa kereke ea Oona ka mokhoa oo. Ho joalo ka hara Bibebe. Ke tsamaiso ea Bibebe eo. Boo ke boholo ba kereke ea lehae. Molisa ke hlooho. Ke hantle. Amen.

<sup>293</sup> Joale, re fihla nthong e bokoang ena, Molaetsa ona oa khale. Lona, joale ke le batla le tsebile hoo. Taba ena e hatisitsoe, hopolang, Molaetsa ona. ’Me likhatiso li etselitsoe kereke, litsamaiso le melao ea kereke, e hatisitsoe khatisong. Ke ho latela Bibebe. Ha e tsamaisoe ke rōna; ha ho motho ea boholong. Che. Bohle, rea tšoana. Empa, re na le moetapele, ke molisa, ha feels a tsamaisoa ke Moea o Halalelang. Ruri bo. Ho lokile.

<sup>294</sup> Joale, ka mona, ho tla hlaha lipotso tse ngata. Khetlo le latelang ha ba ntša... Mohla Moena Neville a hasang radiong a re ke tla fihla mona, le ka ngola potso tsa lona, ‘na le uena re tle re tsekisane hammoho. Le tla etsa joalo? Ho lokile.

<sup>295</sup> Kea tseba hore ke rutile ka mamello ea bahalaleli. Ke rutile ka BoMolimo bo phahameng ba Jesu. Ke rutile ka tshireletso ea molumeli, le ka hlomamiso ea pele, le boitherelopele, le ka lintho tse ngata tseo. Etsoe, ke tseba, ka hara kereke ea ka re fumana boramolao, etsoe ho itoketse. Ruri. Empa, joale, lintho tseo, le ‘na, ke ramolao, hape ke moCalvinisi. Ke lumela Bibebe feels. Ke phetho.

<sup>296</sup> Joale, ha lipotso tseo, lintho tseo. Hape ke rutile ka kholiso, litšisimoho, le lintho tse joalo, le lintho tseo tsohle tseo le sa lumelanang le tsona. Ka baka leo bosiu bo bong bona, mohlomong... Ha re e etseng...

Na le potlaketse ho khutla ho kena hape ka mona? [Moena Neville o re, “Che.”—Mong.]

Ha re e etseng Laboraro bosiu, bosiu ba Laboraro lena le tlang, hape ke—ke nahana hore nka—nka tšoarana le hoo mohlang oo. Tloong le lipotso tsa lona Laboraro bosiu, le li behe holima kalana mona, le potso tse amanang le Bibebe, ho lokile, ka seo esale ke se ruta joale. ’Me ke Laboraro bosiu. Ebe Sontaha se latelang, hape, ke hopola ke—ke tlameha ho ba Chicago, le

hona. 'Me ho tloha mono ke ea Michigan. Ha Morena a ratile, ke tla fihla mona Laboraro bosiu, ho leka ho arabela potso ka bokhoni ba tsebo ea ka. 'Me joale Morena a hauhele.

Joale ha re inamiseng hlooho ea rōna, nakoana feela.

<sup>297</sup> Joale, Morena ea bokoang, oona ke moruo oa Hao o moholo. Ke kereke ea Hao. Ke Uena, Morena, ea tsamaeang, 'me re batla ho tsamaea le Moea oa Molimo ha o re tsamaisa. 'Me joale re U rapela ho re hlohonolofatsa. E re re sa hlahloba Molaetsa ona bocha, re kena linthong tse tebileng tsena, re rapela Moea o Halalelang ho re senolela tsona ka moo re hlokang kateng. Hoba re e kopa ka Lebitso la Hae. Amen.

<sup>298</sup> Joale, oh, ke... Buka ena ea Baheberu, ke e nka e le e 'ngoe ea Libuka tse khōlō tse thekothata.

<sup>299</sup> Hamorao, nka—nka tšoha ke fumana... ke ea mose ho maoatle, etsoe hoo, ha Molimo o lumetse, ke tla etsa hoo hang. Ke tlameha ho etela Afrika ho latela pono. Ke nahana ke sa tl'o atleha hakaalo likopanong tsa ka pele ke ea Afrika ke phethisa pono eo. Joale, hape, mono e ka ba sehleng se latelang sena.

<sup>300</sup> Empa lipakeng tsa linako tseo, ke tla tšoarana le buka e le 'ngoe hape ka hara Buka ea Baheberu, eona, ke khaolo ea 11 ea Baheberu. Le ho qeta mohlomong veke khaolong eo ea 11, ke qotse se seng le se seng sa limelo tseo kapa semelo, ke hlahise limelo tsa sona. Ua bona? "Ka tumelo, Nohe," ebe ke tšoarana le bophelo ba Nohe. "Ka tumelo, Abrahama," e be ke tšoarana le bophelo b Abrahama. "Ka tumelo, Abele," ebe ke tšoarana le bophelo ba Abele. Ua bona? Le ho theoha le eona. Na le ka e rata? [Phutheho e re, "Amen."—Mong.] Oh, e tla be e le hoo, re tla tšoarana le Bibele eohle. Re tla e leka, mohlomong, ka hare, nka re, ho nka veke kapa kopano ea matsatsi a leshome, kopano e 'ngoe feela ka morao ho e 'ngoe, ho kang tsoseletso, ho ella phomolong ea Keresemose, kapa ntho e kang eo, ha Morena a ratile.

<sup>301</sup> Joale, khaolo ea 7 ea Buka ea Baheberu, re kopane le Semelo se seholo sena. Ke mang ea ka mpolellang lebitso la Hae? [Phutheho e re, "Melkisedeke."—Mong.] Melkisedeke. Jolae, ebe Melkisedeke enoa e ne e le mang? E ne e le moprista oa Molimo o Fetisang o Holimolimo. E ne e le Morena oa Saleme, eēna e le Morena oa Jerusalema. O ne a se na ntate, kapa O ne a se na 'mè. A se na nako eo A tsoetsoeng ka eona, kapa A ke ke a ba le nako eo A tla shoa ka eona. Joale, hoo re ho fumana e tlamehile e be e le Bosafeleng.

<sup>302</sup> Re fumane lentsoe *kamehla* le bolela "nako e baliloeng." Na le sa hopola? [Phutheho e re, "Amen."—Mong.] Nako e baliloeng, ke kamehla le kamehla. 'Me *kamehla* e pakiloe, hangata, ka hara Bibele e le "e—e nako e baliloeng."

<sup>303</sup> Empa, Bosafeleng, 'me mofuta oa Bophelo Bosafeleng o mong feela, re fumane. Na ho joalo? Molimo o ruile Bophelo

Bosafeleng boo, a inotši. Na ho joalo? Mofuta oa Bophelo Bosafeleng o mong feela. Ha ho lentsoe le kang “kahlolo ea Bosafeleng.” Hobane, haeba u tla ahloloa ka Bosafeleng, u na le Bophelo Bosafeleng. Ho ka ahloloa ka Bosafeleng, u tla tlameha ho rua Bosa-...’Me ha u ruile Bophelo Bosafeleng, u ke ke ua ahloloa, ua bona, haeba u ruile Bosafeleng. “Ea utloang Mantsoe a Ka, a lumela ho Ea Nthomileng, o na le Bophelo ba kamehla.” Na ho joalo? Bophelo Bosafeleng, hobane u a lumela. Be, ha u ena le Bophelo Bosafeleng, u ke ke ua ahloloa, hoba u ruile Bophelo *Bosafeleng*. Ka baka leo, efela, haeba u tla sotloa liheleng kamehla le kamehla, ekabeba u na le Bophelo Bosafeleng.

<sup>304</sup> Empa, joale, ke lumela Bibebe e ruta ka lihele tse tukang. Bibebe e ruta hoo, ho thoe libe le bokhopo li tla ahloloa, kamehla le kamehla. Hoo ha se Bosafeleng, joale. Mono ekaba libilione tse leshome tsa lilemo. Ekaba libilione tse lekholo tsa lilemo, empa li tlameha ho fela neng-neng. Hoba, ntho efe le e efe e bileng le qalo, e na le qetello. Ke lintho tse sa kang tsa ba le qalo, tse se nang qetelo.

<sup>305</sup> Le sa hopola thuto eo joale? [Phutheho e re, “Amen.”—Mong.] Ka moo re kileng ra khutla ra fumana sohle se bileng le qalo se kile sa khopamisoa, ua bona, khopamiso ea ntho ea sehloooho. ’Me, qetellong, e lohana e khutlela Bosafeleng. Ke mohla lihele tsohle, tšotleho eohle, le mehopoloh eohle ea tsohle tse joalo, e tla nyamela ka Bosafeleng. Ntho eohle e galang, e a fella.

<sup>306</sup> ’Me Melkisedeke enoa e ne e se Jesu, hoba E ne e le Molimo. ’Me se entseng hore Jesu a fapane le Molimo, ke hoo, Jesu e ne e le tabernakele eo Molimo o ahileng ho eona. Ua bona? Joale, Melkisedeke. Jesu o ne a ena le ntate le ’mè. Athe Monna enoa ha a eso be le ntate kapa ’mè. Jesu o bile le qaleho ea bophelo ’me A ba le qetello ea bophelo. Monna enoa o ne a se na ntate, a se na ’mè, a se na qaleho ea litšiu le qetello ea bophelo. Empa, E ne e le Motho a le mong. E ho joalo, Melkisedeke le Jesu ba ne ba le Bang; empa Jesu e ne le ’mele oa lefatše, o tsoetsoeng o bopiloe joaloka sebe. ’Mele oa Molimo ka sebele, mora oa Oona ka sebele, ea tsoetsoeng a bopiloe joaloka sebe, ho amoha lefu tsenene ea lona, ho lefa mopupso, le ho amohela bara le barali ho Èëna. Lea e tšoara? Ke ka baka leo A neng a ena le—A neng a ena le qalo, A ena le qetello.

<sup>307</sup> Empa ’mele o phetheleng ona, ka sehopotso, joaloka—joaloka tebeletso ea tsoho ea röna, Molimo ha o a ka oa lumella ’mele oo hore o bone ho bola, hobane O o bopile ka bo-Oona. Oa o hlahisa, oa ba oa o tsosa, oa o beha letsohong le letona la Oona.

<sup>308</sup> ’Me, kajeno, Moea o Halalelang o tsotsitseng ’mele oo o teng mona ka hara Kereke. Ho bokoe Lebitso la Morena! ’Me o

hlahisa mehlolo le matla a tšoanang. 'Me ka tsatsi le leng Moea o Halalelang ona, o ka hara Kereke, o tla hooelets 'me o tla phahama, 'me o tla kena sebopethong sa 'mele ona o lutseng letsohong le letona la Boholo ba Molimo, ho buella rōna baetsalibe. 'Me ka Hono re babaletsoe sebeng ka phetheho. Ha se hore ha re etse sebe; empa re babaletsoe sebeng, ka pela Sefahleho sa Molimo. Hoba, sehlabelo se Mali se eme lipakeng tsa ka le Molimo, lipakeng tsa hao le Molimo. Ka lona lebaka leo O itse, "Motho ea tsoetsoeng ke Molimo, ha a etse sebe, a ke ke a etsa sebe." Hoba, ha u tsoetsoe labobel, oona Moea o Halalelang o phetseng ka hara 'Mele oo o phela ka ho uena. 'Me O ke ke oa etsa sebe; sehlabelo se robetse ka pela Hae. Ha u e etsa ka boomo, ha se ntho e ka etsoang ho re u be ka hara 'Mele oo. Amen. Eo ke Evangel. Ke eona Eo.

<sup>309</sup> Ka baka leo, u a bona, ha E thulane le Mangolo afe ka letho. E lohanya Mangolo 'moho. Ua bona? "Ha ho ka moo ea seng a kile a bonesetsoa." Ke hona moo re tla fumana lipotso tsa ka. Hoba, ho lifumana feela, re batla joalo.

<sup>310</sup> Joale lemohang. "Ba seng ba kile ba bonesetsoa, ha ho ka moo ba ka boelang ba inchafatsa hore ba boele ba bake, hobane ba thakhisa Mora Molimo ka bocha, ba Mo etsetsa . . . 'me ba Mo nyelisa phatlalatsa." Ba ke ke ba etsa hoo.

<sup>311</sup> U ntano nyolohela ho Baheberu 10, mono E a bua mono, "Ha re etsa sebe ka boomo ha re se re filoe tsebo ea 'Nete." Ebe sebe ke'ng? Ho se lumele.

<sup>312</sup> Ha u bona ka boomo Moea o Halalelang o etsa lintho tseo O li entseng hoseng mona hona, 'me u bona Kreste eo a tsohile bafung, 'me A phela ka hara Kereke ea Hae le hara batho ba Hae, 'me u E hana ka boomo, ha ho ka moo u ka tlang ho Molimo, hoba u se u nyefotse Moea o Halalelang.

<sup>313</sup> Jesu o buile tsona lintho tseo, mohla A ne a etsa mehlolo eo.

<sup>314</sup> Ba itse, "Khele, Ke Belsebule. Ke senoha-mahlohonolo. Ke liabolosi."

<sup>315</sup> Eaba Jesu o retoloha, a re, "Ke tla le tšoarela hona. Empa mohla Moea o Halalelang a ttileng a etsa hona hoo, ha le bua lentsoe khahlano le Oona le ke ke la tšoareloa hona lefatšeng lena leha e le lefatšeng le tlang ho tla. Hobane le bitsitse Moea oa Molimo o nong o ahile ka ho Eèna, 'Moea o sa hloekang.'"

<sup>316</sup> Hape, ha re etsa sebe ka boomo, ha re etsa sebe, ho hana ho lumela ka boomo. E seng ha re se re amohetse 'Nete, re tsoetsoe labobel; re ke ke ra etsa sebe mohlang oo. Moetsali a ke ke a etsa se sa tšoar- . . . Mokreste a ke ke a etsa sebe se sa tšoareloeng. A ke ke a khona. Bakhopo ke bona ba etsang joalo. Eo ke moipehi-tumelo, e seng molumeli.

<sup>317</sup> Borabbi bao ba Bajude, oh, ba ikhopotse ba sataletse, ba ruile D.D.'s le Ph.D.'s. Ba ikhopotse ba e rokile ka botlalo,

e le ka hara khetsi, empa e ne e le baetsalibe ba fetisang ka bokhopo. Oh, e ka ba ba... U ke ke ua ba supa ka letsoho, bophelong ba bona. Ba ne ba hloekile, ba itšoere, ba lokile, ka mokhoa oo. Empa e ne e le bomosalumele.

<sup>318</sup> Nka lentsoe sebe 'me u shebe seo le se bolelang. Lentsoe sebe le bolela "ho se lumele." Likhanyetso li peli feela, eona ke ena, ke molumeli kapa mosalumele. Hoo, motho ea beiloeng ea lokileng kapa moetsalibe. Ke phetho. Ha u le mosalumele, u moetsalibe; ho sa tsotolehe u lokile ha kae, u tsamaea kereke ha kae, leha u ka ba moreri. U sa ntse u le mosalumele.

<sup>319</sup> Bafarasi bao e ne e le bareri, 'me e le bomosalume, 'me kajeno ba liheleng ka baka la eona. Borapeli boo ba bo khonneng, ba halalela, empa ha ba lumela ho Eèna. 'Me ba Mo bitsitse "liabolosi," ba ba ba hanetsa Lentsoe la Hae. Bang ba bona ba itse, "Ekare ha u le eèna, joale theoha sefapanong. Etsa mohlolo. Re ke re u bone u etsa hoo." E mong a Mo bata hloohong, ka thupa, a re, "Porofeta u re boelle ea u batileng, uena moporofeta, re tla lumela ho uena." Ua bona, bomosalumele! Ba ile ba lekisa-tumelo ba iketsa balumeli, empa e ne e le bomosalumele, ba sa sokoloha, ba lahluoe, leha koana ba ne ba halalela e le barapeli.

<sup>320</sup> Koana, le kajeno ho sa tšoana. Banna le basali ba ka tsamaea kereke 'me ba pompalitse lifahleho, le—le ho tlala borapeli ka moo ba khonang, ba sa bue leshano, ho utsoa, 'me ba leka ho phela ka borapeli ba bokhoni ba bona. Empa, haese molumeli, ba lahlehile. Ka baka leo ha ho mongoapo oa boramolao ka hara Bibebe. BoCalvinisi ke... Mohau ke seo Molimo a u etselitseng sona, athe mesebetsi ke seo u se etsetsang Molimo. E arohane ka botlalo.

<sup>321</sup> Ha u tèla leshano, o tèla ho tsuba, o tèla ho utsoa, u tèla ho feba, ho tèla tsohle, ho etsa tsohle, ua boloka melao, ua tsamaea kereke, ua kolobetsoa Sontaha ka seng, ua ja selallo, ua hlatsoa maoto a bahalaleli, ua etsa tsohle, ua folisa bakuli, le ho etsa tsena tsohle, ha u sa tsoaloa ke Moea oa Molimo, u khethiloe, u lahlehile. "Ha se ea batlang leha e le ea mathang, empa ke Molimo o hauhelang."

<sup>322</sup> Esau o ne a leke ka bokhoni ba hae ho iketsa Mokreste, 'me o sitiloe. Bibebe e mo tlalehile a llile haboholoko, a batla sebaka sa ho baka, 'me ha a se fumana. Le pele a tsoaloa, Molimo o mo ahlotse, hoba O mo tsebile e le monyemo o bolileng pelöng ea hae. Molimo o e tsebile ka boitsebelopele. O itse, "Ke rata Jakobo, athe Esau Ke mo hloile." Athé Esau o bonahetse e le monna oa boitšoaro. A itulela lapeng, a hlokometse ntatae oa leqheku ea foufetseng, a fepa makhomom, le ntho eohle, e le moshanyana ea lokileng.

<sup>323</sup> Athe Jakobo e ne e le nchanyana ea 'mè, 'mèmmè oa khale ea betlang likei. A le joalo. Le tla tlameha ho e lumela. Bibebe

e a e lumela, e a e hlahisa. O ne a matha hohle, a etsa tsohle. 'Me—'me, mama, a matha ka mora mama. Empa, koana, Jakobo, ka meepa-le-metheo ea hae eohle, le kamekhoa ea hae ea 'missi, a ntse a hlompha tokelo eo tsoalo. Ke seo senotlolo.

<sup>324</sup> Esau e ne e le monna ea fetang Jakobo habeli ka botšoaro. Hola re ka tlameha ho mo ahlola kajeno, ho mo amohela e le setho sa kereke ea rōna, le ka khetha Esau, makhetlo a sekete khahlano le hang, holane u sa mo tsebe. Empa Molimo oa nka Jakobo.

<sup>325</sup> Le ka etsang ka Mohalaleli Pauluse, hola a batla ho ba moreri? Mojude e monyenyan, oa khale ea nko e khopo, ka molomo o sothiloeng, a ea hohle a pheha khang, 'me a tla qhaqha Kereke. O tla etsa hohle. Le ka re o entse sebe se sa tšoarelloeng. Empa Molimo o itse, "Ke mohlanka oa ka."

<sup>326</sup> Molimo o tšoara banna ebe o ba bopa ba fapane, ha se batho ba nkang Molimo 'me ba fapane. Molimo o tšoara monna a mo bope ka ho fapana. Ha se ka seo u se etsang, seo u tlang ho se etsa, seo u se nahantan. Ke seo Molimo a se etsang. Ke eona mono. 'Me eo ke eona pale.

<sup>327</sup> Joale, Melkisedeke e moholo enoa, pale ea Hae e kakang mona! Re batla ho bala re tsöele pejana, e batla e le... re ile ra tlameha ho haola ho eona ka potlako. Re tla qala morao mona karolong e itseng ea Lengolo, 'me re tla qala ka temana ea 15.

*'Me mono hoo ho...bonahalang ka ho fetisisa:  
ke hore...ke ha ho hlaha moprista e mong hape ea  
tšoanang le Melkisedeke.*

<sup>328</sup> Joale, Melkisedeke e ne e le moprista. Na e ne e le eëna? Seo A neng a le sona ke sena. Re fihlela Molimo, tšimolohong, e ne e le seliba se seholo sa Moea. Na ho joalo? [Phutheho e re, "Amen."—Mong.] A se na moo a hlahetseng teng. A se na moo a shoelang teng. A se na qaleho ea litšiu. A se na qetello ea lilemo. E le Bosafeleng joalokaha Bosafeleng bo hlola Kahosafeleng. Ha A eso ho ka a tsoaloa. Ha A eso ka a eshoa.

<sup>329</sup> 'Me ka mono, re fumana seo, O ne a bolokile Moea o fapanang hasupa. Na ho joalo? Bibele e boletse, ho Tšenolo, ho itsoe, "Meea e supileng e ka pela Terone ea Molimo." Na ho joalo? [Phutheho e re, "Amen."—Mong.] E supileng, e menahaneng hasupa, Moea e supileng. Re fumana, mebala e supileng. Mengoaha ea kereke e supile mono. Oh, e haola feela. Supa e tletse, le Molimo o no o tletse. 'Me Meea e supileng, 'me Meea eo e ne e phethethile. Pele e le 'mala o mofubelu; lerato le phethahetseng, topollo. Le ka moo, hola re ne re ena le nako, re beng re ka ntša mebala eo le ho supa hoba 'mala ka mong o emetse hloeko ea Molimo. Amen. Mebala eo, mebala ea tlhaho e supile. Mebala eo e lekanya hloeko ea Molimo. 'Me eona... Mebala eo e lekanya merero ea Molimo, boitšoaro ba Molimo. Mebala e supileng eo, e ne e lekanya mengoaha e supileng ea kereke, linaleli tse supileng, mangeloai a supileng. Hohle

Lengolong, bareri ba supileng, barongoa ba supileng, melaetsa e supileng, tsohle li khema ka bosupa. Matsatsi a supileng. Matsatsi a tšeletseng, 'me la bosupa ke sabbatha; phetheho, bottlalo. Oh, e ntle, hola re ena le nako ho e cheka le ho e hlahisa, mebala eo!

<sup>330</sup> Nka 'mala o mofubelu. Re nka 'mala oa pele, ke khubelu. Khubelu keng? Khubelu ke letšao la kotsi. Khubelu ke letšao la topollo. 'Me ha u sheba khubelu ka khubelu, ke 'mala ofe? Bosoeu. Ka nèpahalo. Mohla ho neng ho tšoalloa Mali a mafubefu, ho koahela sebe se sefubelu, Molimo, ha u talima ka Mali a mafubelu, a sheba sebe se sefubelu, se fetoha bosoeu. Molumeli a ke ke a etsa sebe. Ruri lekhale. Peō ea Molimo, mahlohonolo a Molimo, a lutse ho eèna. Molimo ha u bone letho haese Mali a Mora oa Oona ka sebele. Ho sa tsottelehe se ka hara Kereke ea Oona, e ka bang eng, Molimo ha o e bone, hoba Jesu o eme e le 'muelli, a sa khaotse, e le Moprista e Moholo. Ha ho ka moo a ka etsang sebe, haele moo Sehlabelo sa mofuta oo se robetse mono sebakeng sa hae, ka mokhoa oo. Ruri lekhale.

<sup>331</sup> 'Me joale haeba u re, "Be, hoo ho mpha monyetla o motle..." Hoo ho u supa u sa loka.

<sup>332</sup> U tla anèla Hoo. U tla Se rata, ha u fèla u le Mokreste oa makhonthe, sebe se tla u khathatsa ho fihlela u sa khone ho se etsa. "Hoba Peō ea Molimo e lutse ho eèna, 'me a ke ke a etsa sebe." Bibele e itse, "Ea hlatsitsoeng ka Mali a Jesu hang, ha a sa na takatso ea sebe." Ha u sa na le takatso, pelō ea hao ha e a loka nqa Molimo.

<sup>333</sup> Joale, u tla etsa phoso, empa ha u e etse ka boomo. Ua bona? U a—u a tšoasoa, 'me ntho efe eo u tšoasang, kapa ha u etsa seo u sa ikemisetsang ho se etsa, le joale ha eso be sebe, u tla baka motsotsong ha u ipona o fositse. U tla retoloha ka potlako u re, "Ke ne ke sa ikemisetsa...ha kea e bona." U tla rialo, bophelong bohle. Motho ha a batle ho ba joalo, ke ka baka leo re leng lithoto hakana re lutse hara lefifi lena, tlase mona lefatšeng, re beetsoe pheko ea Mali, ka linako tsohle, ho re sireletsa. Hoba, phoso ea pele eo re e etsang...

<sup>334</sup> Joale, mohopoloo oa lona oa leloko la nama ke oo. "Oh, u a tseba ke'ng? Mosali eo o ne a halalelitsoe. Empa, ho bokoe Molimo, o sitiloe. Kea tseba hore o oelee mohaung." Hoo ho phoso. Ha a oa mohaung. O sitiloe. Haeba a e entse ka boomo, o ne a sa loka, le qalong.

<sup>335</sup> Haeba a ne a sa ikemisetsa ho e etsa, a fetela ka pel'a Kereke e halalelang ea Molimo a ipolela eona, a re, "Ke sitiloe, le ntšoarele," le tlameha joalo. Ha u sa e etse ka pelōng ea hao, u tlameha ho ea aletareng ka bo-uena. Ruri. Ke eo khalalelo ea 'nete ka hara kereke. Ke eo khalalelo ea makhonthe, ha se khalalelo ea hao, empa ke ea Kreste.

<sup>336</sup> Ha ke na khalalelo eo nka Mo hlahisetsang eona. Ke mpa ke tsepile ea Hae, oh, mohau oa Hae, 'me o ka hara pelō ea ka. Ha kea o sebeletsa, ha kea etsa letho ho o rua, empa O mpitsitse ka mohau oa Hae a ba a 'mema ho tla. 'Me ke talimile ho Eèna, 'me O tlositse takatso ho 'na. Ke etsa liphoso tse likete khoeli ka 'ngoe, le selemong ka seng. Ehlile. Ke etsa hoo. Empa ha ke ipona ke fositfse, ke re, "Molimo, ke ne ke sa ikemisetsa ho e etsa, U tseba pelō ea ka. Ke ne ke sa ikemisetsa ho etsa hoo. Ke tšoasitsoe ke eona. Ke ne ke sa ikemisetsa ho e etsa. U ntšoarele, Morena."

<sup>337</sup> Haeba ke sitetsoe moena oa ka, ke re, "Moena, u ntšoarele. Ke ne ke sa ikemisetsa hoo." Ruri, Molimo o tseba pelō ea ka.

<sup>338</sup> Oh, ke eona. Sehlabelo sa Mali se teng mono. Ke ao Matla a Evangel, Kereke e halalelang eo e tsoelapele. Ha se ka seo u se entseng; ke seo u sa etsang letho ka sona. Ke eo Pheko.

<sup>339</sup> Joale, Melkisedeke enoa, mohla A ne a fihla.

<sup>340</sup> Ke batla ho le bolella taba e 'ngoe. Na u kile oa tšoara e—galase e khutlo-tharo? U nka sekoto sa galase e khutlo-tharo, u se robatse ho chabeloa ke letsatsi, se tla hlahisa mebala e phethahetseng e supileng. Sekoto sa galase e khutlo-tharo se tla hlahisa mookoli. Ke hantle haholo. Joale, hola re ena le nako, re ne re ka tsoelapele ka taba eo. Tharo e hlahisa phetheho: Ntate, Mora, Moea o Halalelang; tokafatso, khalaletso, kolobetso ea Moea o Halalelang. Ke moo. Phethahalo e tla ka boraro. Molimo, holima motho; Molimo, ka hara Monna ea bitsoang Jesu; Molimo, ka hara Kereke. E ntoo ba, phetheho.

<sup>341</sup> Motho o ne a sitiloe, ha feela Molimo o le holimo *mona* ka hara Topallo ea Mollo, Molimo. Motho o ne a sitiloe, ke rialo, ka pela Molimo, ha feela Molimo o ne o le ka hara Topallo ea Mollo, hoba e ne le sebopuoa se sa hloekang, ka pel'a Hae ho ne ho robetse mali a phoofolo.

<sup>342</sup> Eaba ho fihla Konyana ea Molimo, mosebetsi oa bobeli oa Molimo o tiileng; Molimo o le mong, ofisi e 'ngoe. Eaba Molimo oona ka hara... o ne o le ka ho Kreste, e le oona Molimo o nong o le ka hara Topallo ea Mollo. Eaba Molimo oo o etsoa nama 'me oa aha hara röna. Eaba motho o soma ka Oona, ea 'na ea balloa hona. Mali a eso tšolloe le joale. Ke hantle. Jesu o itse, "Ke tla le tsoarela."

<sup>343</sup> Empa eaba Eo ea entsoeng nama, o boela a fetoha Topallo ea Mollo. "Ke tsoa ho Molimo. Ke khutlela ho Molimo." Mona re fumana Pauluse a kopana le Oona, tseleng e theohelang Damaseka, eona Topallo eo ea Mollo. Re fumana Petrose a kopane le Oona ka hara chankana, eona Topallo eo ea Mollo. Ruri. 'Me re Mo bona kajeno, hara röna, eona Topallo eo ea Mollo.

<sup>344</sup> Empa phetheho e tlameha ho fihla temeng, hore motho ea mahareng... Joale, ha Mojude a le teng mona, kapa motho

ea utloisisang Testamente ea Khale. Nka e paka, e re ke u bontše. Ha kea tšoara Testamente ea Khale, hona joale. Ena ke—ke Testamente e Ncha. Empa nyehelong ea bohobe ba pontša bo neng bo behoa holima sejana sa kosha, sehlabelong sa Bajuda nakong ea hlatsuo ea litabernakele; u ka botsa Mojuda ofe; mabapi le likotoana tse tharo tseo tsa bohobe, sekotoana se hare se ne se robjoa. E ne e le Kreste. Sekotoana se hare se ne se robjoa; Kreste, ea kenang lipakeng. Ho supa ho robjoa ho neng ho tla hlaha, nqa e 'ngoe, bakeng sa topollo. 'Me sekotoana seo se ne se nkuoa e le topollo, ka hara bohobe ba kosha.

<sup>345</sup> 'Me Ke enoa. 'Me bosiung bona, ha re ja selallo, re ngoatha bohobe ba kosha, hobane ke 'mele oa Kreste. 'Me O ne a robjoe Kalvari, e tle e be pheko ea libe tsa rōna, hore ka ho loka ha Hae re tle re fetohé ho loka ha Hae. Hobane, O fetohile sebe sa rōna, re tle re fetohé ho loka ha Hae. Moena, oo ke mohau o iphotlileng. Ruri. Tsela e 'ngoe ha e eo, tsela e 'ngoe e ka lokafatsoang ke uena.

<sup>346</sup> Joale, Melkisedeke enoa, Motho e moholo enoa ea khahlanyelitsoeng tseleng, O lefile, Abrahama o Mo abetse karolo ea leshome. O tšoanetse E be e ne e le Monna ea mokakang! Joale lemohang, ka potlako.

*Ea sa beoang, ka melao...leloko la nama,...*

<sup>347</sup> Joale na le bona molao oa leloko la nama? Molao o buile, "U se ke ua bolaea. U se ke ua feba. U se ke ua utsoa."

<sup>348</sup> Jesu o ile a retoloha, a re, "Ho itsoe ke bao ba boholo, 'U se ke ua bolaea,' empa Ke re ho lona ea halefelang ngoanabo, ka ntle ho lebaka, o se a bolaile. Ho itsoe ke bao, ba boholoholo, 'U se ke ua feba,' empa Ke re ho lona, ea shebang mosali ho mo lakatsa, o se a mo febile pelōng ea hae." Ke moo. Hoo ho tlameha ho ruta basali moaparo, ho etsa se lokileng. Ha u apara hampe, u qosa banna ho u sheba ka mokhoa o phoso, u molato oa ho feba, o tšoana leha o entse ketso eo. Jesu o itsalo.

<sup>349</sup> Le lona batho ba mabifi a tlkomang, molomo oa lona ha o phetse ho khapatsa khahlano le motho, ho hloka mamello, le lintho tse kang tseo. Ela hloko. U molato ha u bua lentsoe (khahlano le ngoaneno) le sa lokang, e seng feela, ho tsamaea hohle u heletsa. Ha u a tlameha le ho hlaba monna ka thipa ka sekotlong u 'molaea. U ka senya seriti sa hae 'me oa mo bolaea, oa bolaea tšoaetso ea hae. Ho bua khahlano le molisa oa hao mona, ho bua bobè ka eèna, u ka hla 'na ua mo thunya. Ho bua ntho e sa nèpahalang ka eèna, be, hoo ho tla bolaea tšoaetso ea hae bathong le lintho tse kang tseo, 'me u molato oa eona. Seo Jesu a se buileng.

<sup>350</sup> Joale, mamelang mona, seo—seo Pauluse a neng a leka ho se finyella mona. Ke rata Bibele ena ea khale. E a u otlolla. Sheba, oh, sheba mona feela. Joale, re sa bala ea 'ne-...

“Hobane ho...hoba ho tsejoa hoba Morena oa rōna o hlahile ho Ju-...” Be butleng, ke kholoa ke ne ke tla bala temana e 'ngoe mona. Che, tlase mona ho ea 16.

*Ea sa beoang, ka melao...leloko la nama,...*

351 Ke molao oo, u a bona. “Oh, moena, ha ke—ke a lokela. Ha kea lokela. Kea tseba, empa ke...” Ha se eona. Lerato ke lona le etsang hoo.

352 Re haotse ho eona! Ke itse, “Hola nka bolella...mabapi le mohatsa ka, ‘Oh, be, ke—ke—ke batla ho ba le basali ba babeli. Ke batla ho mathaka le *enoa*, ho etsa e mong *enoa* mane. Empa, ha nka etsa, mohatsa ka o tla ntlhala...Le bana ba ka ba tla kena...Tšebetso ea ka e tla lahleha.’” Litsitla tooe, tsa moikaketsi ea bolileng. Ke hantle. Ha u mo rate ka nèpahalo, tabeng ea pele. Ke hantle haholo.

353 Hola u mo rata, ha ea bofelloa molao. U ne u tla mo rata, leha ho le joalo, u tla mo khomarela. Ke hantle haholo. ’Me le lona basali le tla etsa joalo ho monna oa hao. Ke hantle.

354 Ka linako tse ling basali ba fihla moo, kapa...

355 Monna o bona Jesebele ea itseng ea takiloeng, u a tseba, 'me—'me u tla mathaka, a u hape; mohlomong u na le mosali ea imametseng. Ebe u ipitsa Mokreste. Ha u soabe. U hloka nkho e 'ngoe ea aletare. Ke hantle.

356 Le bang ba lona—le lona basali ba shebang monna oa khale ea lepeleltseng moriri o maname, o tšasitsoe Vaseline e lekaneng holima oona...a butse molomo oa hae. Èbe u...

357 Ngoanana oa khale, nakoana e fetileng mona...Oona ha se motlae, kaha ke sa ikemisetsa ho e phetha e le motlae. Empa batho ba tseba sena e se sebaka sa motlae. Empa ngoanana oa khale mona, eèna...Keha ho ena le bashanyana ba khabane mona, bashanyana ba Bakreste. Khale koana, ke sa alosa mona, re ne re tšoara littlelase tsa bahlankana. Ke bue le basetsana thapama ea Sontaha, ka thobalano le ka lintho. Ebe thapama ea Sontaha se tlang, ke qoqa le bahlankana, ke leka ho laola lintho tseo.

358 Eaba mosetsana oa khale o qala a mathaka le nccheme ea khale, tlase mona, eona e tsuba lisakreste 'me e suntse folaseke khetsing ea eona. E qhoba koloinyana hohle toropong. Ke sa bone seo a se boneng ho moshanyana eo. A sa batle ho tla kerekeng. O ne a lula ka ntle ka mane. A mo kenyé ka hara kereke ka ntle mona, ebe o lula ka ntle mane, ka hara koloi ea hae, a eme, a sa batle ho kena ka kerekeng. Eba ke 'molella tsatsi le leng. O ne a lula New Albany. Ka re, “Ke batla ho u botsa taba, ngoananyana. Ebe u bonang ho moshanyana eo?” Ka re, “Tabeng ea pele, ha a batle borapeli boo u—u bo tšoereng. O nyatsa Kreste oa hao. E ke ke ea eba monna oa sebele. O tla u sotla, bophelo ba hao bohole.” Ka re, “Be, ba teng bashanyana ba

lokileng ba Bakreste bao u ka tsamaeang le bona. Ebile ntatao le 'mao ba nyatsa oona mohopolo oo oa ho tsoa ha hao, empa u a tsoa leha ho le joalo, 'me u a nahana, 'Ke palesa e monate ea lilemo tse leshome le metso e tšeletseng.'"

<sup>359</sup> Eaba o qala a tlola meikapo a matha ka ntle, 'me ntho ea pele, keha a ralla litamene. O se a iketse Bosafeleng joale. Empa, he, o ne a eme mona. Na le tseba boitatolo boo ngoanana eo a mphileng bona morao mono, ba hobaneng a rata moshanyana eo? O itse, "Maotoana a hae a matlenyana, a bile a nkha hamonatjana." Le nahananang ka ntho e joalo? E inyanyatsang, ke 'memmè, ha se monna.

<sup>360</sup> "Sheba," ka rialo, "khaietseli, nka mpa ka tsamaea le moshanyana oa Mokreste ea maotong a kang krabole ea makoloi 'me a nka joaloka nakeli, hola e ne e le Mokreste oa sebele." Ke hantle. Ka sebele. Yaa.

<sup>361</sup> Boitatolo ba eona, "Maotoana a matlenyane, a bile a nkha hamonatjana." Nthoana e rallang litamene, qetellong ea senya bophelo ba ngoanana. Ke lihlong, ke sekhobo.

<sup>362</sup> Lenyalo lea hlompheha, empa eka khona le kenoe ka thapelo le ka tšabo. 'Me lerato la sebele ho mosali eo le tla le tlama 'moho kamehla. "Seo le se tlamang lefatšeng, Ke tla se tlama Leholidong." Ha le theoha ka seterata mono, ekaba o tla be a tsofetse a pulufetse a sosobane, empa lona lerato leo u mo ratileng ka lona esale ngoanana, esale mosali e motle, u tla be u ntse u le babaletse.

<sup>363</sup> U ka khutlahana mahetla, u le lefatla, u sosobane sefahleho le ntho eohle, empa u tla u rata joaloka mohla u ne u le mahetla a sephara u le moriri o mangetse, haeba ehlile e le Molimo. Hoba le shebile mohla le seng le tšetse noka koana, mohla le boelang le hlaha, le fetoha bahlankana le basetsana, ho phela 'moho kamehla. Eo ke pallo ea Molimo ea Bosafeleng. O itse O tla e etsa. Eèna, ha se ho fela... Re tla kena ho eona motsotsong. O hlapantse hore O tla e etsa.

<sup>364</sup> Mamelang sena, ha re tsoelapele.

*Ea beoang...ka melao...leloko la nama, empa e leng ka matla a bophelo bo se nang...fela.*

<sup>365</sup> Joale re tla bala ka potlako, re tle re e fumane.

*Hobane o pakile o itse, O moprista ka ho sa feleng ka mokhoa oa Melkisedeke.*

Ha feela moprista a hlokoa, O tla lula e le moprista.

*Efèla melao ea pele o tlositsoe ruri kahobane o... fokotse ka ho se thuse letho.*

*Hobane molao ha o a ka oa phetha letho,...*

<sup>366</sup> U ke ke ua khona, ho sa tsotelehe seo u se etsang. U ka tèla ho noa, ua tèla ho tsuba, ua tèla ho bua mashano, ua tsamaea

kereke ua leka ho etsa *sena* le ho leka ho etsa *sane*, u sa ntse u le leloko la nama. Oo ke molao feela. Molao ha o ke o phetha letho. Empa ho phethisang ke hofe? Kreste. Thoriso! Nka tèla ho bua leshano, ho tèla ho utsoa, ho tèla ho feba, ho tèla ho poroma, ho tèla lintho tsena tsohle, ke sa ntse ke le leloko la nama. Molimo ha o e amohele, kaha nke ke ka Mo abela pheko ea letho.

<sup>367</sup> Empa motsotsong oo ke behang matsoho a ka holima hlooho e bokoang ea Morena Jesu, ke re, "Morena, ha kea loka. Na U tla nkuka u nketse mohlanka oa Hao?" 'me Molimo o aka a tlosa sebe sa ka, ke eme ke phethehile ka pela sefahleho sa Molimo. Ke hantle. Hobaneng? Ha kea ema holima liketso tsa ka. Ke eme holima tsa Hae. 'Me O re phethisitse, ka mahlomola a Hae le ka Mali a Hae.

<sup>368</sup> Ke bona e le nako ea ho koala. Empa ke batla ho qetela ho bala hona ha nka khona, ka potlako.

... o *tlositsoe kahobane o ne o fokotse o sa thuse letho.*

*Hobane molao ha o a ka oa phetha letho, 'me ho kentsoe bakeng sa oona tšepo e fetisang; (Tšepo e fetisang ke efe? Kreste.) eo re atamelang Molimo ka eona.*

<sup>369</sup> Hobaneng? Holima ho loka ha rōna hohle, le ka ho loka ha rōna hohle, le ka ho loka ha rōna hohle, re sa ntse re le leloko la nama. Empa hang ka pela sefahleho sa Molimo, ka temoho ea hobane re be re ka sitoa ho ema mono, haese ka mehauhelo ea Jesu Kreste, ke moo re atamelang ho Molimo, ka mehauhelo ea Mora oa Oona. "Morena, ke tla ho Uena, ka pelō e se nang mano. Ka Lebitso la Mora oa Hao Jesu, nkamomele hle." Oh, moena, ka mokhoa o joalo u tla ka tsela e phelang.

<sup>370</sup> E seng, "Morena, U a tseba ke tètse ho noa. U a tseba ke tšoara mohatsa ka hantle. U a tseba ke etsa *sena*. Ke etsa *sane*." U ke ke ua nehelana ka letho.

<sup>371</sup> "Hoba molao oa leloko la nama o sitoa ho phetha letho, 'me ho kentsoe bakeng sa oona tšepo e fetisang. Tšepo eo e leng Kreste, re re na le ankora ea moea, e tiileng e sa sisinyeheng." Hlokomela.

*Hape haele moo kano e sa ka ea hlokahala eèna...*

Leemelibitso, ha u ka eleloa ka mono, e ngotsoe ka liletere tsa masekama.

... *empa eèna o beiloe ka kano:*

Ha se moprista feela, empa O beiloe moprista ka kano. Ha se...

<sup>372</sup> Joale hlokomela. Ha re tšoaraneng le boprista bohle.

*(Athe baprista bale ba pele, baLevitike, ba toka, ba molemo, banna ba tšepehileng, ba beiloe ho se kano; ...)*

<sup>373</sup> Molimo o mpa o itse, “Ka mokhoa oa—ka mokhoa oa Aarone, ke oona o beileng baprista bana.” Ba tsoile melokong. Ba kena sekolo ’me ba ithutela boreri le lintho tseo. Ba tlie ba theoha. Ka baka leo Molimo o ba beile baprista ka mokhoa oo. Ke bona ba ipeileng baprista, ka thuto ea bona, ka lefutso la bona, le joalo. “Empa Monna enoa o beiloe moprista ka kano e hlapantsoeng ke Molimo.” Mamelang ka hlokomelo joale.

(...ba beiloe ho se kano; empa eèna o beiloe ke ea itseng ho eèna, Morena o hlapantse ’me a ke ke a koeneha, amen, U moprista ka ho sa feleng ka mokhoa oa Melkisedeke:)

*Ke moo ho bonahalang hoba Jesu o beiloe ’muelli oa selekane se fetisang sa pele.*

Joale, ka potlako.

*Hape haele baprista ba pele ba ’nile ba hlahlamana ba le bangata, kahobane lona lefu le ne le ba sitisa ho lula kamehla:*

Likete tsa likete tsa likete, tsa baprista, kahobane ba ne ba busoa ke lefu le lefu le mefokolo, le lefu le lefu le lefu.

<sup>374</sup> Empa Mo shebeng.

*Empa eèna, (eèna mang?) Jesu, kahobane o a tsoella ke oa kamehla, o na le boprista bo sa abuoeng. Ba kae bao...*

*Ke ka baka leo a ka tsebang ho pholosa ka ho fetisa; ho sa natse bohole, ho nyehla ha kae, bohole bo bo kae, o tseba ho pholosa ka ho fetisa; ba atamelang Molimo ka eèna,...*

E ne e se ka baka la ho loka ha hao; empa holima maipolelo a hao. Ua bona?

...ea atamelang ho Molimo ka eèna, kahobane o ntse a phela kamehla ho ba Bea merapelong.

O ntse a le teng, kamehla, ka merapelo.

*Hoba ho ne ho tšoaneleha hoba re be le moprista e moholo ea joalo, ea halalelang, ea se nang molato, ea se nang letheba, ea hosele ho baetsalibe, ea phahamisitsoeng e le moprista e moholo leholimong;*

<sup>375</sup> Ke eona. Joale, ha nka leka ho emela nyoea ea ka, ke tla lahleheloa ke eona. Ha nka leka ho e emela, ke re, “Be, ntate oa ka e ne e le monna ea lokileng. Ntate oa ka e ne e le moreri. Be, ke phetse ka hara kereke.” Ke sa ntse ke lahlehetsoe. Empa Monna enoa ke Ea phethehileng, Kreste. O lutse mono a ntse hlahisa Mali a Hae molebe bakeng sa libe tsa ka. Ke eona moo.

*Ea sa tšoanelang, joaloka... baprista, ho hlahisa pele ka matsatsi ohle, mahlabelo ka baka la libe tsa hae, a ntoo hlahisa a libe tsa sechaba: hobane taba eo eèna o e entse hang, mohla a ikentseng sehlabelo.*

376 Joale hlokomela temana ea ho qetela.

*Molao o fèla o nka batho ba mefokolo ho ba etsa baprista ba baholo;...*

377 Ke molao oo, molao oa leloko la nama, o etsa joalo. Joale, eka nka qeta lihora tse peli mono hantle mono. Ka mokhoa o tšoanang molao o sa ntse o bea banna bareri. Ke hantle.

378 Khele, ba re, “Be, monna enoa o ruile boitsebelo ba seminare.” Nke ke ka ananya tsebonyana ea ka ea khale ea Leholimo ka boitsebelo bofe ba liseminare tsohle tsa lefatše.

379 “Khele, re rupeletse monna enoa. O—o thontsoe ka monoana. Ke monna ea iphatetseng.” Ha ke rate mofuta oo. Ke rata monna ea entsoeng ke Molimo. Ua bona? Ua bona?

380 Empa molao o sa ntse o bea batho baprista. Molao o sa ntse o bea bareri. E—e kereke ea Baptise, ba ntša bareri; ba tletseng liatla, ka machini o ba chetang. Bamethodise ba na le bona. Mabaptise a na le bona. Mapresbeteriene, Nazarene, Pilgrim Holiness, Mapentekosta, ba ba cheta ka potlako eo ba e khonang, ekare lebotho le leholo, machini a matonana. Ho ema mono e ka...

381 Esale ke boletse, “Ke—ke utloela tsuanyana ea seqhotsitsi bohloko.” U a tseba, tsuanyana e qhotselitoeng tlaza seqhotsisi, ha ea qhotsoa ka tšoanelo. Che. Tsuanyana e tšoanelo ho qhotsoa ke sethole. Empa tsuanyana ea seqhotsisi, ha e tsoela ka ntle, e re feela “kip, kip, kip,” ha e na mami ho ea ho eèna. Ua bona? Ha e tsebe na mami keng. Ke hantle. E tsetselela e mong, empa ha e na eèna.

382 Empa tsuanyana e qhotsetsoang tlaza sethole, ka tlhaho, ha e tsetsela mami o a arabela. Ke hantle.

383 Ka linako tse ling ke nahana ka boitsebelo bona ba seminare bo tsoang tlaza liqhotsisihali tsena tsa Louisville le lefatšeng lohle, tse qhotsang likeke tsa bareri. Liqhotsitsi tsa Pentekosta, le liqhotsisi tsa Presbeteriene, le—le liqhotsisi tsa Baptisi, tsohle li qhotsa tsona—tsona—tsona litsuana tsa tsona. Ba a tsetsela, “kip, kip, kip,” ’me ba bua ka liqhotsisi tse ba qhotsitseng.

384 Empa ke rata ho fumana Ntate, ’Mè. Ho bokoe Lebitso la Morena! Ha kea tsoaloa le bongata, empa ho neng ho le teng ke banabeso. Amen. Re na le ’Mè ea arabelang ha u... ke ’Mè ea Leholimong, ke ’Ma röna bohle. “Joaleka khoho litsuanyaneng tsa eona, e a li binela, ’me—’me e bitsa holima ntho ea eona... e bokanyetsa litsuanyana tsa eona, le ’na Ke tla le bokanyetsa joalo. Oh, Jerusalema, Jerusalema, Ke ratile

ha kae ho u bokanyetsa sa sethole holima litsuanyana tsa eona! Ke ratile hakae ho u fetola oa a Ka, empa u hanne. U ikahetse liseminare, o iqhotselitse baprista. Ba u rutile khahlano le 'Na. Joale u setse u le esi. Tšenyeho ea hao e u laletse."

<sup>385</sup> Ke bua sena. Oh, lona batho! Oh, lona batho, Moea o Halalelang o ratile hakae ho le bokanyetsa, joaloka sethole holima litsuanyana tsa sona! Le mpa le ipatlela tsela ea lona. Le itse le tla ipetlela Eona ka ho rata ha lona.

<sup>386</sup> Ke batla ho rera hoo bosiu bo bong, "Tsela ea hao." U a tseba, Kaine o ipatletse tsela ea hae. Motho o ipatlela tsela ea hae, kajeno. "Ho motho tsela e bonahala e lokile, athe bofelo ba eona ke lefu."

<sup>387</sup> Joale le shebe. "O bile O itse, 'Selekane se secha—se secha . . .'" Kea kholoa, joale hoo . . . Che. Ke tulo e phoso.

<sup>388</sup> Temana ea 28.

*Molao o fèla o nka batho ba mefokolo ho ba etsa baprista ba baholo; empa haele polelo ea kano, e entsoeng kamorao ho molao, e 'mea Mora, ea phetheleng kamehla.*

<sup>389</sup> Molimo o bokoe kamehla, ka Mora oa kamehla ea emang ka mokhoa oa Melkisedeke. 'Me ha A eso be le qalo. Ha a na qetello le ka mohla. 'Me molao o sitiloe ho hlahisa ho kang hoo, kaha e ne e le oa leloko la nama. Kereke e ka sitoa ho hlahisa ho kang hoo, mekhatlo ea malumeli, hobane ke ea leloko la nama. E—e liseminare li ka sitoa ho hlahisa ho kang hoo. Li lekile ho rutela lefatše ho Eona. Li lekile ho hlaphisetsa ho Eona. Li lekile mokhoa ofe le ofe lefatšeng, ho etsa sohle seo ba ka se khonang, athe ba tlohetse ntho ea bohlokao: "Le tlameha ho tsoalloa ho Eona." Ke Molimo o u etsang seo u leng sona, ruri, hase kahobane o khaolitse ho etsa *sena*.

<sup>390</sup> Joale, Manazarene, ha u a tlameha ho ralla lesale la monoana, u ke ke ua kenya tšupanako, 'me u tlameha ho fumana lintho tsa *hore-le-hore*, liphaka tsa hao li tlameha ho ba *kana*, liphaka tsa seaparo, mese ea letheka e tlameha ho ba mekana ka bolelele, 'me bona—'me banna e se be litho tsa ntlophapohèlo. Ba ke ke ba u kolobetsa ha u sa etse hoo. Ke hantle. Makatolike ke ana a fihla, a tšoere ling tsa oona. Bamethodise ke bana ba fihla, ba tšoere ling tsa bona. E mong le e mong o tšoere thupa ea ho itekanya. Ha u sa e lekane, ho lokile, ke phetho. Ua bona?

<sup>391</sup> 'Me hape, empa ntho ea makhonthe, ke ena, "Ke tla ke le feela! Ke mpa ke itšoarella ka sefapano sa Hao. Oho Molimo, ke feela, ke tetekiloe, ke hloka tšireletso. Oh, ke tla ka boikokobetso, Kreste, ke ipolela ke se letho 'me ho se letho ka ho 'na. Nkamohele, oho Molimo." Ebe Molimo o a u amohela.

<sup>392</sup> Joale, mohlomong ha u tsebe li-ABC tsa hao. Mohlomong ha u khone ho khetholla kofi ho lierekisi tse patsotsoeng.

Mohlomong u ka tseba, ha u khone ho khetholla gee ho haw, letsoho le letona ho le letše hali. Seo u *sa se tsebeng* ha se etse phapang ea letho. E 'ngoe ntho eo u *tšoanelang* ho e tseba, eona, ke ho re Jesu Kreste o nkile sebaka sa hao uena moetsalibe. Le uena u nke sebaka sa hao, ho ema ka ho loka ha Hae, ho ipolela letsatsi ka leng hore u fositse, le ho Mo rata ka pelō eohle ea hao, 'me sepheo sa hao sohle se tsepamisoe ho Eèna, u tla fihla Leholidong. Ke phetho se leng teng, hoba Bophelo bo neng bo le ka ho Kreste bo tlameha ho aha ka ho uena, ho seng joalo u lahlehile.

<sup>393</sup> Pejana ho koaloa, na le sa hopola selekane sa Molimo le Abrahama se sa beeloang lipehelo? Eaba O etsang mantsiboea ao mohla Molimo o itseng, "E re ke bone . . ." Mohla Abrahama a itseng, "Mpontše ka moo U tla e sebetsa kateng." Khaolo ea 16, kea kholoa ke eona, ea Genese. "Mpontše ka moo U tlang ho e sebetsa kateng."

<sup>394</sup> Ha thoe, "Tloo koano, Abrahama." Eaba O tlosa Abrahama temeng, ha thoe, "Ntlisetse e—e pheleu, u be u ntlisetse e—e—e pōli, u be u ntlisetse sethole. 'Me Ke u batla u li nyolotse koano 'me u etse sehlabelo."

<sup>395</sup> Eaba Abrahama o tloha ho tšoara nku, le e—le pōli, le e—e—e konyana . . . kapa sethole. A li hlaba. Tsohle e le lihlabelo tse hloekileng. Eaba o li khekhetra mekheketho e 'meli, a li robatsa ka ntle. A ntoo tloha a tšoara maebakhoroana a mabeli, a lhahlela ka hare. Eaba Abrahama o tšosa a leleka linonyana ho tsona, a emetse Molimo ho fihla. "Joale, Morena, sehlabelo ke seo, U tlil'o se sebetsa joang sena?" Ha ke tsebe ka moo U tla pholosa motho khahlano le thato ea hae. Ha ke tsebe ka moo U tla e sebetsa sena. U ka etsa hoo joang, Morena?"

<sup>396</sup> Morena o itse, "Joale sheba, Abrahama. U moporofeta. U motho oa moea, 'me u tla utloisia seo Ke buang ka sona."

<sup>397</sup> "Ho lokile, Morena, ke batla ho bona." Joale kea tšoantsisa.

<sup>398</sup> "Ka baka leo, Abrahama, nyolohela koano joale, u lule fatše mona u tšose linonyana." Eaba o leleka linonyana tsohle, letsatsi la ba la likela.

<sup>399</sup> 'Me ntho ea pele ua tseba, Molimo oa theoha. Eareha O theoha, Abrahama a qala a otsela. Molimo oa re, "Abrahama, Ke tlil'o u robatsa boroko."

<sup>400</sup> Joale mamela, motsaalle oa molao. Ua bona, Molimo o ntšitse Abrahama lephallong ka botlalo, a sa tlameha ho etsa letho ka eona. Le uena O u sebetsa joalo. U itse, "Oh, ke batlile Molimo." Ha u a etsa.

<sup>401</sup> Ke Molimo o u batlileng, "Ha ho ea ka tlang ho 'Na a sa huloe ke Ntate oa Ka pele." Ua bona?

<sup>402</sup> Molimo ke oona o u batlang, ha se uena ea batlang Molimo. Ha u eso khone. Tlhaho ea hao e fosahetse. U kolobe. Ha u tsebe phapang. U phela ka hara serobe sa kolobe. Ke phetho seo u se tsebang. U a se rata. Ho noa biri, ho pitikana hohle, ho hloaela le mosali oa monna e mong, le ho etsa hohle ho khopo, ekare se lokile. “Oh, moena, re itahile monyakeng oa motonana!” U e hopola e lokile.

<sup>403</sup> Empa Molimo o kokota pelōng ea hao. [Moena Branham o kokota sefaleng—Mong.] Ke sona se fetolang. Ha se uena ea kokotang ha Molimo; ke Molimo o kokotang ha hao. Ha se Adama ea neng a kokota pelōng ea Molimo; ke Molimo o neng o kokota pelōng ea Adama. ’Me le uena u mora oa Adama. Ke hantle. Le pele Adama ekaba mora oa Molimo, hape, Molimo oa tlameha ho kokota pelōng ea hae. Pele o ka beoa mora oa Molimo, Molimo o tlameha ho kokota pelōng ea hao.

<sup>404</sup> Eaba, Abrahama o a khaleha. Eitseha a khaleha, a bonang pele? Lefifi, le nyarosang, le tšosang, le tšabehang. Lona ke lefu, le oelang holima morabe ohle oa batho. A ntano talima hojana le moo, a ntoo bona sebopi se kubellang. Le pele u fumana mosi, u tlameha ho fumana mollo. Ke lumela ke hona hoba lihele ke nqalo e tukang. Ho lokile.

<sup>405</sup> O ne a bontša, hoba e mong le o mong oa rōna o tlasa bohlanka ba lefu, e mong le e mong oa rōna o tlameha ho ea liheleng, hoba re baetsalibe.

<sup>406</sup> Joale, empa, ka nqane ho mono, a bona nthoana, Leseli le lesoeunyana.

<sup>407</sup> ’Me nthoana ena, Leseli le lesoeunyana, Leseli keng? Leseli le lesoeu leo e ne e le eng? Topallo eo ea Mollo e eteletseng bana ba Iseraele. Topallo ea Mollo e kopaneng le Pauluse tseleng e theohelang Damaseka. Topallo ea Mollo e holotseng Petrose teronkong. Topallo ea Mollo e leng teng mona bosiusing bona.

<sup>408</sup> Bosafeleng boo, Molimo oa kamehla, O ne a tsamaea ka sebele sa Hae lipakeng tsa lihlabelo tsena tse khekhethuoeng, (oh, khili), a ea pele le morao holima se seng le se seng. “Ke tla e sebetsa ka mokhoa ona, Abrahama. Ako Nchebelle, seo Ke tlang ho se etsa. Mona Ke tlabola selekane. ’Me Ke tlil’o hlapanya ka kano, eo, ho latela Peō, Ke tla hlahisa ’Muelli. Ke tlil’o etsa selekane le lefu. ’Me Ke tla ahlola lefu, nameng, hoba Ke tla le nka ka sebele sa Ka. Abrahama,” ha thoe, “ka Peō ea hao, Abrahama, e tla fihla. U tla ba ntata lefatše, ka Peō ea hao. ’Me ha se uena u le mong, eo Ke etsang pallo ena le uena, empa le Peō ea hao e tla u latela.” O tsebile e ’ngoe le e ’ngoe e tla fihla. “E seng bona; empa seo Ke se etsang. Ke tla e etsa, Abrahama. Ke ile ka tšepa Adama, o tlotsa sa hae. Le e mong le e mong o tlola sa hae. Empa sena Ke tla se hlaba le ’Na ka sebele, le ho hlapanya ka ’Na, ‘Ke tla Se boloka.’” Amen. Amen.

<sup>409</sup> Rōna re etsang, ha re tlabola selekane? Ke re, “Moena Neville . . .” Joale shebang sena, motsotsotso feela. Ke re, “Moena Neville, ke tla u bolella seo ke tlang ho se etsa. Ha u ka rera ho fihlela . . . hosane bosiu, le bosiu bo latelang, ho fihlela Laboraro, ke tla rera, ho qala Laboraro, ho fihlela Sontaha.” [Sekheo lebanteng—Mong.] “U etsa tumellano eo?”

<sup>410</sup> “E, monghali.”

<sup>411</sup> Re e sebetsa tjena ke hona. “Le tsukutle, moshanyana.” [Moena Branham le Moena Neville ba tsukutla matsoho—Mong.] Ke eona. Ke selekane sa Amerika seo. Re etsa selekane joalo.

<sup>412</sup> Joale, Japane ba tlabola selekane joang? Re etsa tjena, re re, “Ha u etsa *hore-le-hore*, le ’na ke tla etsa *hore-le-hore*.” Re tsipa bohashana ba letsoai, hoba letsoai ke monatefisa. ’Me re kha letsoai, ebe kefafatsa Moena Neville ka lona, le Moena Neville o kha letsoai—letsoai o mphafatsa ka lona. Seo ke selekane se tlamang.

<sup>413</sup> David Livingstone o ne a tlabole selekane le monegro oa Afrika joang, ho kena lefatšeng la hae? O kile a tloha a kopana le khosi, e le hore a tle a khone ho feta mono, ho bolela Evangelie le ho sebetsa. Eaba ba nka galase ea veine. Ke sena selekane le monegro oa Afrika. Ba nka galase ea veine. Eaba khosi ea monegro o phunya methapo ea hae, a a hlotlela ka hara galase ea veine. Le David Livingstone a phunya methapo ea hae, a a hlotlela ka hara galase ea veine. Ba a fuluha. Livingstone a noa halofo ea oona, le khosi ea monegro a noa halofo ea oona. Eaba ba fapanjetsana lineo, e mong ho e mong, khosi ea monegro. David Livingstone a re, “U batla’ng ho ’na.”

<sup>414</sup> A re, “Jase e tšoeu eo u e apereng.” Eaba Livingstone o hlobola jase ea hae a e nea khosi ea monegro. A re, “Uena u batla’ng.”

<sup>415</sup> A re, “Lerumo le ikhethang leo le letsohong la hao.” Ehhlile, o tsebile hoba a ka khona ho feta ka lona, eaba o nka lerumo leo. ’Me e ne e le baena, hoba ba tlabotse selekane.

<sup>416</sup> Enereha a tloha, ’me merabe e matha ho ea ’molaea, a phahamise lerumo le ikhethang leo. Ha a etsa joalo, ba shebe ebe ba re, “Oh, oh, re ke ke ra ama monna eo.” Hobaneng? “Ke moena oa selekane, leha a le mosoeu, ha re eso ’mone pele.” Pele ba ’mona keha ba sa itsebe hoba ba batšo. Ba eso bone ntho e joalo pele. “Empa ke moena oa selekane. O tšoere lerumo la khosi letsohong la hae.”

<sup>417</sup> Papiso e ntle hakakang, kajeno, ea ho noa selekane sa Mali a Morena Jesu, ka matla a Moea o Halalelang holima rōna! Re tsoa ka Lebitso la Jesu, ’me mehlolo ena e tla tsamaea le litho. Ke Lerumo le ikhethang la Khosi. Lea se bona, sona selekane?

<sup>418</sup> Mehla ea bochabatsatsi ba ne ba se tlabola joang? Ba ne ba etsa kano, e mong nqa ho e mong. Ba hlabe phoofolo, ba e khekhethé, ba eme lipakeng. E—e banna ba babeli ba ne ba ema lipakeng tsa eona, tsa phoofolo e khekhetuoeng. Ebe ba rala selekane. “Ha nka fanya ho boloka *sena*, ha nka fanya ho etsa *sena*, khele, *sena* le *hore-le-hore*, ’mele oa ka o be joaloka phoofolo ena e shoeleng. ’Mele oa ka o tšoane le phoofolo e shoeleng ena.” ’Me ha ba etsa joalo, ba nka selekane sena ba ema lipakeng tsa *sena*; ba nka kano, ba nka kano e reng ba tla e phethisa. Ebe ba hahola pampiri, ’moho, ka lehare, monna e mong a fuoe e ’ngoe, e mong e latelang. Hore ba tla kopana ka nako e baliloeng. ’Me ba ke ba shoe lefu, ha ba ka fanya ho boloka kano eo; ba tšoane le liphooftolo tseo tse shoeleng. Ho lokile.

<sup>419</sup> Na le lemoha libata tse tharo tseo? Phetheho; konyana, pôli... le lihlabelo tse tharo tse phethehileng. Konyana e ne e le eng... Leebakhoroana e ne e le eng? Ebe maebakhoroana a mabeli a ne a lekanyang? Maebakhoroana a mabeli a ne a hlabeloa pholoso le pholiso, ka hara—ka hara... oona aneng a hlahleloa ka hare. Ua bona? Pheko e ne e etsoe, e fapané, empa pholiso ea ’na ea tsoelapele e tšoana, le pholoso e tsoeletse ka ho tšoana. Maebakhoroana a mabeli, a sa khekhetuoeng, a ne a lekanya hoo, bobeli ba oona. Poloko... “Re folisitsoe ka maqeba a Hae. Athe O hlabetsoe libe tsa rôna. Re folisitsoe ka maqeba a Hae.” Ebe a robatsoa ka thoko, a sa khekhetuoeng. Empa selekane, karolo ea sebata e ne e (boraro ba tsona) khekhetuoeng. U a bona? Enereha ba etsa joalo, ebe ba hahola ba tlabola selekane sa bona.

<sup>420</sup> Lemohang seo Molimo o neng o se bolella Abrahama. “Mane Kalvari, mane Kalvari, ho latela Peō ea hao. Ho uena ho tsoile Isaaka. Ho Isaaka ho tsoa *sekete-kete*, Jakobo. Ho Jakobo ho tsoa Josefa. Ho Josefa ho tsoa, ho theoha, ho theoha, ho theoha, bahlahlami, ho fihlela, qetellong, ka Peō e lokileng eo!” Ba Hae...

<sup>421</sup> O sa tsoa qeta, mona, a re Morena oa rôna o tsoile sechabeng se sa kang sa tseba Moshe, se sa kang sa boleloa. O tsoile ho boprista. “Morena oa rôna o tsoile mothapong oa Juda.” E seng ho Levi, kahobane e ne e le leloko la boramolao ba nama. Empa Morena oa rôna o tsoile ho Juda. Thoriso! Ke lona bao. Moo pallo e entsoeng teng!

<sup>422</sup> Mamelisang joale, re sa koala. ’Me mane Kalvari, Molimo o ne o theohe ’me oa tsoara ’mele oa Mora oa Oona ka sebele, oo A phetseng ho oona, ’me Oa o hahola ka lehare mane Kalvari. Oa Hae o fophang mali, o tetekiloe, o hlabiloe, ’me lerumo la hlaba le Mo harola ka lehare, eaba Mali a Hae a phorosela a etsoa. ’Me A re, “Ntate, Ke nehela Moea oa Ka matsohong a Hao” A kebisa hlooho ea Hae. ’Me lefatše la sisinyeha, le mahalima a tsekema, ha rora le lialuma. Molimo o ne o ngola selekane sa Oona se sa feleng.

<sup>423</sup> 'Me Oa ntša mele oa Hae o shoeleng lebitleng, ka letsatsi le qalang veke, oa o nyollela Leholimong, oa lulisoa mono e le Moprista e Moholo, e le sehopotso; ho lulisoa mono, o phethehile, kamehla. Eaba O romela Moea oo A o hahotseng 'meleng oo, oa khutlisetsoa hantle holima Kereke. 'Me Kereke eo e tla tšoanelia ho rua oona Moea o neng o le ka hara 'mele oo, ho seng joalo e ke ke ea nyalana le Oona tsohong. Mekhekheto e 'meli eo e tšoanelia ho kopana 'moho ka phetheho. 'Me efèla ha Kereke ena e sa phetheha, hantle feela ka oona Moea o neng o le ka ho Kreste, u ke ke ua kena Hloibilong.

<sup>424</sup> Ke seo selekane sa kamehla, moena. Se batlisise, ka bo-uena, se leng ka hara pelō ea hao. Rata Morena. U kholisehe ruri hobane u bolokehile. U se ke ua hakanya. U ntse u mokola. Oh, lona, rōna batho ba Amerika, re rata ho mokola, empa u se ke ua mokola ka Hoo. Kholiseha hobane u lokile. E seng hoba o ngolisitse le kereke, empa kahobane u tsoetsoe labobeli kannete, Kreste o tlide ho uena, ka Botho ba Moea o Halalelang.

<sup>425</sup> Joale, thotholetso feela, hape, ke sa koala feela. Re tlameha re be re thabile hakakang, ho bona oona Moea o neng o ahile ka ho Jesu Kreste, o le hara rona hantle, o etsa tsona lintho tseo A li entseng mohla A ne a le mona holima lefatše! Re tlameha re be re thabile hakakang!

A re rapeleng joale, re sa inamisa lihlooho tsa rōna.

<sup>426</sup> Morena, ebile letsatsi le leholo. Leha koana, ke ikutloa joalo kamehla, kea hloleha. Ha ke khone ho E hlahisa ka tšoanelo, Morena. Ke U rapela ho ntšoarela booatla ba litsela tsa ka. Oh, ke ipolela libe tsa ka pel'a Hao, ke kopa mohau, kea tseba hoba Moprista e Moholo ea phahameng o eme koana letshong le letona la Molimo, Maholimong, eèna ea sa etsoang ka mokhoa oa Aarone, ka mokhoa oa melao le oa litaelo le oa lintho. Empa O lulisitsoe Mono ka baka la mohau oa Molimo o bonetseng hoo pele, lefatše le eso theoe, oa mpona tlase mona holima lefatše, oa shoela libe tsa ka, ho nkutlisetsa morao 'Musong oa Molimo. Kea U leboha, Ntate, ka sena.

<sup>427</sup> Hobane, Moea ona oa joale o busang ka hara batho ba hao ke oa Bosafeleng joaloka Molimo le oona e leng oa Bosafeleng. "Ke ba nea Bophelo Bosafeleng, Bophelo ba mehla, Bophelo ba kamehla, 'me ba ke ke ba timela." 'Me Kahlolong, ba ke ke ba ema mono. Ba se ba fetile likahlolo 'me ba ile Khanyeng, "Efela mohla tabernakele ena ea lefatše e senyehang, re na le e re emetseng koana ho kena ho eona." Ke U leboha ka hoo, Morena.

<sup>428</sup> Kea rapela joale, e mong ha a le teng, bositung bona, ea eso noe kannete Mali a sebele a selekane, ea sa tsebeng seo A se bolelang, ea sa tsebeng se lekangoang ke ho tsoaloa labobeli, ho thea setsoalle sa makhonthe le Kreste ka pelōng ea bona, kapa pelōng ea hae, ba ke ba Mo amohele hona

joale feela, re sa lebeletse 'me re sa fana ka monyetla ona. 'Me ka Letsatsi leo, thapelo ea rōna ke hore e tle e be re ne re hlahise Evangelie ka Leseli le nepahetseng. Rea rapela, ka Lebitso la Kreste.

<sup>429</sup> Re sa inamisitse lihlooho tsa rōna, o teng motho ea ka phahamisetsang Kreste matsoho a hae, a re, "Kreste oa Molimo, u nkauhele. E re 'na, joaloka mohlanka oa Hao ea se nang tokelo, joale ke amohele Moea o Halalelang ka pelōng ea ka. 'Me o mphe kholiso le lerato leo ke le hlokang kannete"? Ha u se na Oona, na u ka Mo phahamisetsa matsoho a hao, u ntse u re, "Morena, ena ke pontšo ea hobane kea O batla"? Na u ka phahamisa letsoho la hao? Molimo a o hlohonolofatse morao mono, mofumahali. Molimo a u hlohonolofatse mona, monghali. U hlohonolofatsoe mona, monghali. Molimo a be le uena. Ke bottle. Mona enoa ea lutseng ntlheng mona, Molimo a u hlohonolofatse, moena oa ka. Motho e mong hape, joale pejana re koala, ke sa ema nakoana feela. Molimo a u hlohonolofatse morao mono, mora. Motho e mong hape?

<sup>430</sup> "Joale kea lakatsa. Kea lakatsa, Morena Molimo. U tseba pelō ea ka. U tseba se mohopolong oa ka. Uena, 'Moea oa Molimo o bohale 'me o matla ho fetisa sabole a leolitsoeng ka nqa tse peli, o hlaba o kena koana mokong oa lessapo, 'me o senola mehopolo ea pelo.'" Nahana ka Seo. O tseba eona mehopolo ea hao, merero ea hao.

<sup>431</sup> Na u ka phahamisa letsoho la hao, ho re, "Nkhauhele, Molimo, hona joale. Ke—ke batla hore U tsebe hore kea tseba hore ke fositse, 'me ke lemohe hoo, empa ke batla ho loka." Ho lokile, re sa inamisitse lihlooho tsa rōna feela, re ntse re rapela joale, ako nahane nakoana feela. Ha re batle ho e potlakisa.

Lefika la Mengoaha, u petsoletsoe 'na,  
Mpate lefarung la Hao;  
Ako lumelle metsi le Mali,  
A lutlang phakong la Hao...  
Pheko ea sebe habe-...

Pheko e habeli! O hlapantse ka eona, ka lintho tse peli tse sa sisinyeheng.

Ntoele khalefong u ntlhoekise.  
Ha phefumoloho...

<sup>432</sup> Oho Morena, re lemohe hona joale hoba liphefumoloho tsena tseo re li phefumolohang li lehala. Ha re tsebe na re sa saletsoe ke tse kae kapele ho rōna. Hoo hohle ho itšetlehile bohlaleng ba Hao bo boholo. Ke Uena ea rerang hoo. Oh, re hauhele. 'Me ho ba phahamisetseng matsoho a bona, Morena, ha ke hloke ho ba bitsa. U tseba e mong le e mong oa bona. Ke mpa ke ba rapelisisa thapelo ena. Ke U rapela ho tlosa tsuo ea lipelō tsa bona, 'me ba tle ka sebete, hona joale feela, ho atamela Terone; ho atamela Terone ea Molimo ka sebete, ho

tseka monyetla oa bona o abiloeng se-Molimo. U ba qositse ho phahamisa matsoho a bona. Ba be ba ka sitoa ho iketsetsa hoo. Kea rapela, Molimo, hore U abe sena ka Lebitso la Jesu. Amen.

...ipate ho Uena;

Joale, rorisa Eèna hona joale.

Ako lumelle metsi le . . . (Oh, khili!)

A lutlang phakong la Hao,

Ebe pheko ea sebe habeli,

Ntoele khalefong u ntlhoeckise.

<sup>433</sup> Ba ikutloang ba thabile ba bakae joale? Phahamisa letsoho la hao, u re, “Ho bokoe Morena!” [Phutheho e re, “Ho bokoe Morena!”—Mong.] Oh, O a babatseha! Oh!

*Nqalo E Teng Selibeng.* U e tseba, Khaitseli Gertie? Ha re eeng. Ba ratang thoko eo ba bakae? Joale re tlil’o tšoara tšebeletso ea kolobetso, nakoaneng feela. [Moena Branham o buisana le Moena Neville—Mong.] U tlil’o ba kolobetsa na? Ho lokile.

Nqalo, e, nqalo e teng,

Nqalo ea hao e teng Selibeng;

Nqalo, nqalo . . .

<sup>434</sup> Ho lokile. Bonkhetheng bao ba kolobetsong, banna ba tla kena phaposing *ena*, basali ba kena ho *ena*, ho lokile, ho bao ba tlileng ho kolobetsoa ka Lebitso le bokoang la Morena oa rōna.

. . . lokile ho uena,

Nqalo ea hao e teng Selibeng;

Molimo o lokile ho ’na,

Nqalo ea hao e teng Selibeng.

<sup>435</sup> E mong le e mong joale.

Nqalo, nqalo, e, nqalo e teng,

Nqalo ea hao e teng Selibeng;

Oh, nqalo, nqalo, e, nqalo e teng,

Nqalo ea hao e teng Selibeng.

<sup>436</sup> Oh, ke rata thoko eo ea khale. Ha le e rate na?

Nqalo ea hao e teng Selibeng;

Oh, nqalo, nqalo, nqalo e ngata,

Nqalo e teng Selibeng.

<sup>437</sup> Joale, e re moholo a sa kene, ho hlophisetsa kolobetso, ke rata ho hlalosetsa letšoelé. ’Me ke tla kopa batikone ba bang, ha ba khona ho nkutloa ka phaposing, ha ba lokile, ho tla le—le ho mpolella, re tle re fetise limaekrofounu. Re le batla bohle le bone sena. Metsotso e leshome hape, kereke e tla tsoa.

<sup>438</sup> Joale ke batla ho le balla Mangolo a mang a khethehileng. Ke batla ho bala Bukeng ea Liketso. ’Me ke batla ho qala ka temana ea 12 ea khaolo ea 2 ea Liketso.

<sup>439</sup> Joale, ke le batla le lemohile khaolo ea 16 ea Mohalaleli Luka, kapa ea Mohalaleli Mattheu, ke kholoa e le eona, mohla Jesu a ne a theoha thabeng. Bao... Ho re ho barutuo ba Hae, “Ke le Mora motho batho ba re Ke mang?”

<sup>440</sup> “Eaba ba bang ba bona ba re, khele, U ‘Elia.’ ‘Me ba bang ba re U—U moporofeta.’ Le ba bang ba re U *sena* kapa se *seng*.”

<sup>441</sup> A re, “Empa lona le re Ke mang?”

<sup>442</sup> Eaba Petrose o re, “U Kreste, Mora Molimo o phelang.” Ho joalo? [Phutheho e re, “Amen.”—Mong.]

<sup>443</sup> Jesu a re, “U lehlohonolo, Simone Mora-jonase, hoba ha se nama le mali a u senoletseng hona. Ha u a ithuta eona seminareng. Ha u a ithuta Eona ho motho.” Ha thoe, “Empa Ntate oa ka ea Leholidong o u senoletse hona. ‘Me Ke re ho uena u Petrose. Holima lejoe lena Ke tla haha Kereke ea Ka. Likhoro tsa lihele li ke ke tsa E hlola. ‘Me Ke u neha linotlolo tsa ‘Muso oa Leholidong.’ Ho joalo na? [Phutheho e re, “Amen.”—Mong.] ‘Me sohle seo u tla se lokolla lefatšeng, Ke tla se lokolla Leholidong. Seo u se tlamang lefatšeng, Ke tla se tlama Leholidong.’ Na O ne a tiile ka Hoo? A ka be a sa E bua. Joale, nako ea ‘na ea thettheha, joale, esale Petrose a tšoera linotlolo tsa ‘Muso.

<sup>444</sup> Joale, lona batho ba Katolike, le nahana sena, le re, “Kereke ea Katolike e hahiloe holima Petrose.” Ho lokile, re tla fumana. “Ba ne ba tšoere linotlolo. Kereke ea Katolike e sa ntse e tšoere linotlolo.”

<sup>445</sup> Ha re fumaneng na *Petrose* o entseng ka linotlolo, ua bona, re tla fumana ke hona. Bibele e buile, ho Petrose le ho baapostola ba bang, “E-eang ka lefatše lohle. Bao le ba tšoarelang libe, ba tšoaretsoe. Bao le ba ballang libe, ba li balloa.” Hoo, ke tla e bua e le hore... Motho a ka tšoha a sa utloisise seo ke bolelang. Jesu o itse ho baapostola, “Bao le ba tšoarelang libe, le ‘na Ke tla ba tšoarela. Le bao le sa ba tšoareleng libe, le ba balla tsona, le ‘na Ke tla se bala khahlano le bona.” Ke seo Jesu a se buileng.

<sup>446</sup> Shebang ha kereke ea Katolike e kekèlla nqa eo.

<sup>447</sup> Empa ha re fumaneng ka moo ba e sebelitseng. Ebe ha re fumane ka moo ba e sebelitseng, le rōna re tlameha ho e sebetsa ka tsela eo. Joale ha re fumaneng.

<sup>448</sup> Ke ka Letsatsi la Pentekosta. Kereke e a hlomamisoa. Bohle ba ne ba le ka phaposing e kaholimo. Batho ba tsoile ka mono, ba bua ka lipuo tse fapaneng. Hobaneng? Puo e ‘ngoe le e ‘ngoe e tlasa Leholidong e ne e emetsoe mono. Senyesemane se ne se le teng mono, le sona. Puo e ‘ngoe tlasa Leholidong e ne e tlamehile ho ba teng mono, puo e builoeng ka letsatsi leo. O tsoelapele mono o bolela lipuo tse ngata, le ka moo Bakreta le bajaki, le baproelite ba Roma, le—le—le Baarabia, ‘me bohle

ba bua ba tlotli-... Joale, ba ne ba sa bue ka maleme a sa tsejoeng. Ba ne ba bua ka lipuo tse tsejoang, ke batho. E seng ka maleme a sa tsejoeng, empa ka lipuo tseo mang le mang a ileng a li utloisia. Moetsalibe, mosalumele, ba khonne ho utloa seo a se buileng. "Ho ea kang ha re utloa ka puo eo—eo re tsoaletsoeng ho eona?"

<sup>449</sup> Joale shebang. Joale potso e a fihla. Joale, "Ba bang ba soma." Temana ea 12, ho lokile.

*Ba ne ba holloa bohole, 'me . . . nahana, ba botsana ba re, na taba eo ekaba keng?*

*Empa ba bang ba somme ka ho re, Ba . . . khotše veine e tsoai.*

<sup>450</sup> Ba ne ba soma ka bona. Hobane, ba ne ba etsang? Ba ne ba thekesela eka batho ba tahiloeng, joaloka batho ba tahiloeng. Ba bua, ba sa tsebe seo ba se buang, empa ba ne ba rerela phutheho ka lipuo tseo ba sa li tsebeng, empa phutheho e ne e tseba. Ua bona? Ho lokile.

*Empa ba bang ba . . . re, Bao ba khotše veine e tsoai,*  
shebang boitšaro ba bona.

*Empa ba bang ba somme, ka ho re, Ba . . . khotše . . .*

"Empa Petrose . . ." Ela hloko, moshanyana! U tšoere linotlolo.

*Eaba Petrose, o ema le ba leshome le motso o mong,*  
*a phahamisa lentsoe a bua, a re, . . .*

Joale, le hopole, ena ke hlomamiso ea pele ea Kereke.

*. . . Banna ba Judea, le . . . bohole le aheletseng nqa*  
*Jerusalema, tsebang, 'me le mamele litaba tsa ka hantle:*

*Batho bana ha ba taoe, joalokaha le lekanya, etsoe*  
*ke hora ea boraro ea letsatsi.*

Litsa tsa thitelo li eso buloe ka nako eo. Ua bona?

*Empa hona ke taba e neng e boleloe ke ka*  
*moporofeta Joele;*

*. . . mehleng ea bofelo, ho bolela Molimo, Kea tšela*  
*nama eohle ka Moea oa ka: holima bara ba lona . . .*  
*barali, 'me ba tla porofeta, ba bacha ba lona ba tla*  
*bona lipono, 'me maqheku a lona a tla lora litoro:*

*Mehleng eo ke fèla kea tšela bahlanka ba ka . . .*  
*batona le ea motšehali ka Moea oa ka; . . . ba tla*  
*porofeta:*

*Ke tla etsa mehlolo holimo leholimong, le meeka*  
*tlase lefatšeng; . . .*

Joale, ke Petrose ea rerang joale, eèna ea tšoereng linotlolo.

*... mali, ... mollo, ... meuoane ea mosi:*

*Letsatsi le tla fetoloa lefifi, ... khoeli e fetoloe mali, tsatsi le leholo la Morena le tle:*

*'Me e mong le e mong, ea tla rapela holima lebitso la Morena o tla bolokeha.*

*Banna ba Iseraele, utloang taba tsena; Jesu oa Nazaretha, monna eo le mo supisitsoeng ke Molimo ka liketso tse matla le ka meeka le ka mohlolo, eo o e entseng ... hara lona, ... le tseba ... lona:*

Le bua ka khalemelo? O ne a tšoere linotlolo, u a tseba.  
Ho ba...

*Eèna, o teletsoe lefu ka morero o tiileng oa Molimo le ho itsebela pele ha oona, ...*

Ke eona. Ebe O khonne joang ho telloa hoo? Kahobane e ne e reroe joalo ke Molimo. Ua bona? Boitsebelo pele ba Molimo!

<sup>451</sup> [Moena o bua, mabapi le kolobetso ea metsi, "Re lokile."—Mong.] Nakoaneng feela. Ba bolelle, ho e tšoara motsotsotso feela, ho fihlela ke qeta ka Lengolo.

*... le mo thakhositse, le ka matsoho a bokhopo, le 'molaile:*

*Molimo o tsositse eo, le ho mo lokolla littlamong tsa lefu: kahobane ho ne ho se kamoo a ... tiisoang kateng ke lona ruri.*

*Hobane Davida ha a 'moletse o itse, Ke beile Morena kamehla ... o letsohong la ka le letona, 'me ha ke na ho sisinngoa:*

*Pelō ea ka e thabile ke hona, le leleme la ka le se le nyakaletse; esita ... nama ea ka e tla phomola ka tšepo:*

*Hobane ha o ka ke ke oa tlohela moea oa ka nqalong ea bafu, Mokhethoa oa hao o ke ke oa Mo lesa hore a bone ho bola.*

*O ntsebisitse ... litsela tsa ka—tsa ka, tsela ea bophelo ba ka; o tla nkhorisa ka thabo le ka sefahleho sa ka.*

*Banna ba heso, ha nke ke le bolelle lona phatlalatsa hore mopatriareka Davida, ... a shoe a ba a patoa, 'me lebitla la hae le sa ntse le le teng hara rōna ... letsatsi la kajeno.*

*Empa erekaha e ne e le moporofeta, 'me a tseba hore Molimo o balile ka kano ...*

Ke sa tsoa rera ka eona.

*... hore ho latela—ho latela litholoana tsa matheka a hae, o tla hle ... ka nama, o tla hlahisa Kreste ea tla lula teroneng ea hae;*

Seo ke sa tsoa se rera hantle. Petrose o ntse a rera hona hoo.

*'Me ka ho iponela hoo pele, moporofeta o e bonetse pele, o boletse tsoho ea Kreste a re, moea oa hae o ke ke oa tloheloa nqalong ea bafu, le nama hae ea bona ho bola.*

*Molimo o tsositse Jesu eo, 'me rōna bohle re lipaki tsa taba eo.*

*Eitse hobane a phahamisoe, le ka letsohong le letona...ho lula ka letsohong le letona, ka ho phahamisetsoa leholimong, 'me a nke ho Ntatae... pallo ea Moea o Halalelang, o...qhatsitse, seo le se bonang le se utloang joale.*

*Hobane Davida ha a ka a nyolohela leholimong, (moporofeta): empa ke eèna ea boletseng, MORENA o itse ho Morena oa ka, Lula letsohong la ka le letona,*

*Ke be ke bee lira tsa hao bonamèlo ba maoto.*

*Ka baka leo (utloang sena) ntlu eohle ea Iseraele e ke e tsebe ka sebele, hobane Jesu enoa, eo lona...le mo thakgisitseng, Molimo o mo entse Morena le Kreste 'moho.*

Hoo ho tlameha ho e batalatsa. Ha ho a tšoanelna na?

*Eitseha ba utloa hoo, baetsalibe bao, ba hlajoa lipelō, 'me ba re ho Petrose...Banna...le Petrose le...ba bang,...baapostola, Banna ba heso, re tla etsa joang?*

<sup>452</sup> Ho lokile. Ke lona bana. O tšoere'ng? Senotlolo, senotlolo sa 'Muso. 'Muso o kae? O ka hare ho lona. Ho joalo? Moea o Halalelang ke 'Muso oa Molimo. Rea e tseba. Re tšoalloa 'Musong, re le baahi le mathapisoa. Shebang. O tšoere linotlolo lephakong la hae. "U tlil'o etsang ka sona?" Lena ke khetlo la pele monyako o kileng oa buloa.

<sup>453</sup> Joale, moreri o botsoa potso, khetlo la pele, eèna ea tšoereng senotlolo. Kea khola hola a itse, "Ema ka hlooho ea hao," e ka be e le semolao.

<sup>454</sup> "Sohle seo u se tlamang lefatšeng, Ke tla se tlama Leholimong." Ho lokile. "Sohle seo u se buang, Ke tla se bua. U tšoere senotlolo." Ho lokile. O sunya senotlolo monyako.

...U etsang? *Banna ba heso, re tla etsa joang?*

*Joale eitseha ba utloa hoo, baa hlajoa lipelō, 'me ba re...Banna ba heso,...*

...Petrose a re ho bona, Bakang, 'me e mong le e mong oa lona a kolobeletsoe ka Lebitso la Jesu Kreste tšoarelong ea sebe, 'me le nka neo ea Moea o Halalelang.

*Hobane pallo eo e etselitsoe lona, le bana ba lona, le ba hole koana kaofela, ba sa tlang ho bitsoa ke Morena Molimo oa rōna.*

E lutse e le joalo kamehla. Ha ho motho, le ka mohla, nakong efe, ea khonneng ho hanyetsa Hoo.

<sup>455</sup> Eaba kereke ea Katolike e a fihla, sebakeng sa ho qoelisoa, ba fafatsa. Sebakeng sa ho sebelisa Lebitso la Jesu, ba nkile, "Ntate, Mora, le Moea o Halalelang." Ha eso rutoe ka hara Bibele.

<sup>456</sup> Motho ofe le ofe, ho tloha mohlang oo, o kolobelitsoe ka ho qoelisoa ka Lebitso la Jesu Kreste. Etsoe ba bang ba ne ba qoelisitsoe ke Johanne Mokolobetsi, ea kolobelitseng Jesu, 'me Pauluse o ba boleletse ba ke ke ba amohela Moea o Halalelang ka tsela eo. Keha ba tšoanelo ho khutla ba boela ba kolobetsoa, hape, ka Lebitso la Jesu, le pele ba ka amohela Moea o Halalelang. Ba ba kae ba tsebang leo e le Lengolo? [Phutheho e re, "Amen."—Mong.] Liketso, khaolo ea 19. Ke lona bao. Hobane, 'Muso oa Leholidmo o ne o koaletsoe tsela e 'ngoe esele, ka kano ea Jesu Kreste, hore taba eo e tla tiea semolao Leholidmong.

*...Bakang, 'me e mong le e mong oa lona a kolobeletsoe ka Lebitso la Jesu Kreste tšoarelong ea libe tsa lona, . . . lea nka neo ea Moea o Halalelang.*

*Etsoe, pallo eo e etselitsoe lona, le bana ba lona, . . . ba hole koana kaofela, ba sa tlang ho bitsoa ke Morena Molimo oa rōna.*

Amen. A re rapeleng.

<sup>457</sup> Ntate, Molimo, bosiung bona, ho se ho fetile lilemo tse sekete le makholo a robong le ho hong, koana botšepehi le bonneta ba lipelō tsa batho li sa tsetselela Molimo, joaloka bana ba llelang lebese la letsoele la 'm'a bona. Rea U rata, Morena. Re ke ke ra phela ka ntle ho Uena. Ka moo Davida a boletseng, "Moea oa ka o nyoretsoe Uena, joaleka khama ho molatsoana." O tšoanetse ho A fumana, kapa a shoe.

<sup>458</sup> 'Me, Ntate, re phophophile Mangolo, ho ea pele le morao. E seng ho fapana, empa re bona liseminare tsena, mathapisana ana a thutabomolimo kajeno, a rerang ho latela melao ea batho, 'me e seng melao ea Molimo. Ha ho le joalo, Morena, ha re nyatse banna bao, empa re nyatsa lintho tseo ba li rutang. Ka baka leo, Morena, re ba kopa ho fetoloa baena ba rōna. Re U kopa ho ba tšoarela phoso ea bona. Re ba rapella ho tla Lengolong, ba Le bale, e seng ka moo Le rutoang ke seminar e itseng, empa ho latela ka moo Molimo a Le ngotseng.

<sup>459</sup> Rea rapela, Molimo, joale, mathapisana ana a tlelang kolobetso ea metsi bosiung bona, molisa oa rōna oa senatla a sa tsamaea a kena sefaleng sena ho tsoa mona, ho bolela Evangeli, eona Evangeli ena, a ntano ea kena letšeng la kolobetso, ho pata, aba sena, Morena, e mong le e mong oa bana a tle a amohele Moea o Halalelang, hoba pallo eo e entsoe ke Uena, "Le tla amohela Moea o Halalelang." Moea oa Molimo o ke o eme holima metsi, ho amohela lethapisana bosiung bona, hoba re ba laeletsa matsohong a Hao, ka Lebitso Jesu Kreste. Amen.



*BUKA EA BAHEBERU*

Melaetsa ena e leshome le motso o le mong ka Moena William Marrion Branham e reriloeng sethatong ka Senyesemane ho tloha ka Phato 21 ho haola ka Loetse 22, 1957, mane Tabernakele ea Branham, e Jeffersonville, Indiana, Amerika, e ntšitsoe mabanteng a likhatiso a makenete 'me e ngotsoe e sa khutsufatsoa ka Senyesemane. Phetolelo ena ea Sesotho sa Boroa e ngotsoe 'me e phatlalatsoa ke ba ha Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)